



# «ХІакъсса чувшиврухлур медальлу ласун аьркинсса»

Ва ххулдхъсса «Илчи» кказитрал хъамаличу хъунни отпускрай Дагъусттаннайн увкІсса хасъсса аьралий операциялул гьурттучи, хъунама сержант, Чапаевкалал (Бярнихиял) шяравасса ЯхІияев Ванати Мяммал арс.

**10  
лаж.**



# ЧРШ

№ 15  
(2329)

23 апрель 2026 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкІссар 1917 ш.  
Цунил итабакълан бивкІссар 1991ш.

## Жу бивру Мамедкъалалив



Ражав Исмяилов

**В**ай гъантрай «Илчи» кказитрал хъунама редактор Руслан Къардашовгу, нагу лавгру Мамедкъалалив шяравун. Жущала ласарду тІабиабтрал зарал биян бувминнал тІювардай дезинфекция дувансса дезрасторду, Аьрасатнал цалчинма Виричу НурмаІаммад ХІажимаІаммадовлул цІанийсса «Патриот» тІисса ихІсандалул фондрал чулухатусса.

Жу хъунабавкъуру тІювардан зараллу бивсса Цалчинмур ЦувкІратусса Загъидат Аьлиловашал ва ихтилат барду мукунма вайннал ЧІахувчу Ражав Исмяиловлушал. Вайннал къатрайсса хІал квавкुकун, жу махІаттал хъунав: хІаятравусса ва къатравусса буза ЧІалай бакъая, аьтартул лавсун бия, цаппара затру дия хІаятравух ппив хъуну, кІива къатта гъануцакул лекъан бувну бия, эяллурагу лирчІун дакъая. Вай дия Аьлиловхъал къатри. Чансса тихуннайну диркІун дур Исмяилов Ражавлул къатри, тиккугу мура тагъар дия.

Яла Загъидатлул жу бувцуну, гава кучалий, ца ттуршраксса метралул архну ялапар хъанхъисса, СунбатІуллал шяравасса АьбулхІалимова Розахъал къатравун. Вайннан зарал чанну хъуну бия, Загъидатхъалминнух

бурувгун. ЛувчІиннийсса гъарзат аьтартул ларсун дия, цалчинмур зивулийсса къатран тамансса зарал биян бувну бия.

Вайннал тІимунийну, цивпагума аьтартул ласунтІий бивкІун бур, агарда ца 20-30 минутІрал хъьичІ полициялул зузалт бувкІун, къатравату буккан къабувссания.

ЦІухху-бусу бувну, кІул хъунни зараллу бивминнан кумаг буллай бушиву гара шяравусса мизитравугу, школалийгу зузисса ихІсандарал фондирттал. Мичча дучІан дуллай бур инсантуран дуки-хІачІия.

Зараллу бивсса къатран къимат бивщуну бур хІукуматрал комиссиялул. Миннан кумаг буван бакІрайн лавсун бур.

**ХІасан АьДИЛОВ**

*Аьрххи--ххуллия балжину бу-  
ссанну хъиривмур номерданій.*





## Чиримур ватандалухьгу буссар билятрал кьуват



**А**прельданул 20-нний 22-ннийнин Москавливнай дуссия «Малая Родина – Сила России» тласса шалагу Аьрасатнал шамилчинмур муниципал форум. Ванил сакиншинначитал бур шалагу Аьрасатнал кIанттул цилакаялувшинна хьхьичIуннай даврил ассоциация. Форум буллалиссар паччахIлугьрал бакIчи Владимир Путиннул сиптальнойну, Аьрасатнал президентнал администрациялулгу кабавкьуну.

Властьрал ва жяматрал диалограл площадкалул кIану бугьлай, ва хьуннасса лагрулул мероприятиялул пачIун буллай бур шала Аьрасатнал регионнал вакилтал.

Форумрай гьуртту хьунни муниципалитетрал каялувчи Зураб Куччаев бакIчисса Лакрал райондалул делегациягу. Миву бия Хьурхьрал шьраваллил бакIчи Садам ЛухIуев, ШавкIуллал шьраваллил бакIчи Закир Асабов, Уриннал шьраваллил бакIчи СалихI Гьарунов, Буршиял шьраваллил бакIчи Амсар МахIачев.

Форумрай гьуртту шаврийну лакрал делегациялул хьуннасса мюнпат хьун тIий бур хьхьичIуннасса территориярттал бюхьурду ишла буллан, инвестицияртту кIанкIу дан. Агьамса мурадну хьанай бур чIяву миллату бусса Аьрасатнал амлсса тарихрал ва магьирлугьрал бутIану ккалли хьанахьисса мюрши шагьурдал ва шьраваллил ирс ва аьдатру ядаву.

Форумрал ккаккан буллай бур цумур-цагу Чиримур ватандалулгу агьамсса кIану бугьлай бушиву Аьрасатнал гуж цIакь бавриву, экономика гьаз давриву ва социал аралул саргьуншиндараву.

Гьуртту хьуминнал бусаврийн буну, форумрал программа сакин хьуну дур кIанттул цилакаялувшиндарал органнал даврил лябукку лавай баврил, ишбажаранчишивруцIун кабакьу баврил, территорияртту хьхьичIуннай даврил, проекту зузи даврил суаллу ххал бигьлагьисса кьува секциялийх дарчIусса мероприятиярттая. Хаснура кьулагьас дурну дур Чиримур бизнес ва шьраваллил хозяйство хьхьичIуннай даврих, муниципал хIаллихшиннарду цифралул журналлийн дуцаврих, шагьурдай кьулайсса шартIру хIасул даврих, мюрши шагьурдал ва шархьал магьирлугьрацIун кабакьу баврих.

Программалул ца агьамсса бутIану ккаккун бур кIанттул цилакаялувшиндарал законодательство лавайсса даражлийн дуцинсса ва инвестицияртту кIункIу даву чялиш дукан дансса федерал властирдал сиптарду ххал дигьаву.

Форумрай гьуртту хьуну бур Аьрасатнал гьарца субъектирттаясса азаруннийн бивсса регионнал ва кIанттул администрациярттал вакилтал, эксперттал, аьлинтал, ишбажаранчитал ва жьматийсса ишккаккулт. Гьурттул кIицI ларгунни укун хьуннасса лагрулул мероприятие, умуд бивхьунни форумрал даврил хIасиллу хьин чулий асар хьунссар тIий билятрал кIанттул цилакаялувшиндарал система цIу дукан даврин.

**Зулайхат ТАХАКЬАЕВА**

## Тапшур бунни ялапарлувтуран кумаг бунан

**М**оскавлив «Россия» Национал центрдану хьунни «Малая Родина – Сила России» тласса Шалагу Аьрасатнал муниципал форум.

Муний гьуртту хьунни муниципал сообществалул, федерал ва регионнал органнал 7 азара вакил, мукума кьатIаллил шагьурдал администрациярттаясса 60-нниха ливчусса делегаттал.

Форумрай бия Дагьусттаннал делегациягу.

Президент Владимир Путиннул гьаз бунни Дагьусттаннай тIабиаьтрал апатIрал биян бивсса зараллу бухлаган баврил масъала.

Дагьусттаннал бакIчи Сергей Меликовлул ва МахIачкьалалал мэр Жамбулат Салавовлул бусунни Дагьусттаннал ялапарлувтурайн бивсса заралла ва ми бухлаган бунаншиврул регионаллий дуллалисса давурттая.

Вайннал бусаврийну, зараллу бивсса чIявусса ялапарлувтураща кьавхьуну бур цала кьатрал документру дузал бунан, мунияту хажалатрай бусса бур паччахIлугьрал чулухасса кумаг кьабанссар тIий. Форумрай паччахIлугьрал бакIчинал тапшур бунни ччясса мутталай кьатрал документру дузал бансса норматив-правалул ххуллурду лякьин ва федерал властьрал

органнай тапшур бунни республикалул аьркинсса кумаг бунан.

«Циняв дагьусттанлувтурал цIанияту барчаллагь тIий ура Владимир Владимирович Путиннухь, инсантурах аякьа дуллалаврихлу ва тIабиаьтрал апатIрал биян бивсса зараллу бухлаган бансса хIукмурду баврихлу. Щак бакьар яла бюхттулмур даражлийн мукумсса кабакьаврийну жушава бюхьантIишиврий ччясса мутталай инсантал кьатрал дузал бунан», – увкунни Дагьусттаннал бакIчинал.

**ХIадур бивссар ХI.АБДИЛОВЛУЛ**

## Форумрай гьуртту хьунни



**А**прельданул 21-нний, Аьрасатнал кIанттул цила каялувшиндарал зузалтрал пишалул байрандалул кьини, ЦIуссалакрал райондалул делегация гьуртту хьунни «Малая Родина – Сила России» форумрай.

Форумрал кIилчинсса кьини кIанттул цила каялувшиндарал сфералулу зий, муниципалитетирттал даража гьаз бан, агьалинал масъалартту шаллу бан хIарачат буллалисса инсантурал пишалул байрандалийн тIайла дацIавривугу цила иш бивхьунсар.

Райондалул хьунама МаматИ ХIамзатов бакIчисса делегациялулу бия ЦIуссамехелтIиял шьраваллил бакIчи Гайрбек Мусав, ЦIуссаккуллал шьраваллил

бакIчи Баграт МахIаммадов, Чапаевкалал шьраваллил бакIчи Морис МахIаммадов.

Форумрал лагрулий вай гьуртту хьунни районну хьхьичIуннай даврил хIакьиврусса масъалартту гьаз буллалисса сессиярттай. Вай хьунни кIанттул экономикалул даража гьаз баврил, социал сфералул, культуралул ва цаймигу темардайсса. Шикку гьуртту шаврийну делегаттуран цIусса кIушвиуртту ласунсса сант дагьунни. Эксперттул бивсунни кIанттул масъалартту шаллу бансса чаранная, гьурттултурал бивсунни дузрайн дурксса проектирдая ва цайми районнайгу ишла дан хьуннасса мюнпатсса практикардая. Дискуссиярттая ва мастер-классирттая кумаг хьунни районнал цаппара масъаларттал хIакьиврусса стратегия ххал дигьин, регионнал дьянивсса дахIаву цIакь дан.

– ЦIуссалакрал райондалул хьуннасса агьамшиву дусса ишири форумрай гьуртту шаву. Сессиярттай кIул хьумур инфраструктура ххуй даврил, кIанттул культуралул кабакьу баврил хIакьиврусса цIусса программардал ва проектирдал гьану хьун бюхьайсар. Ва хьанахьиссар ххишаласса мюнпат буну каялушиву дансса ва агьалинал оьрмулул даража гьаз бансса хьхьичIунмайсса хьитну, – кIицI лавгунни МаматИ ХIамзатовлул.

**Анриана АБДУЛЛАЕВА**

## Лакрал райондалия

# Щин дагъсса къатри ххал диргъунни

**ДР**-лул МЧС-рал министрнал хъиривчу Илдар Атаевлушак Лакрал райондалул бакIчи Зураб Куччаев ялтту увкунни риршу гъаралая махъ щин дагъсса Гъумуксса цаппара къатрал тагъар ххал дуван.

Вания махъ вайннал кIицI лавгунни, лувчIиннийн дагъсса щинал къатрал гъанурду лекъан бан бюхъайшиву ва мунийну шикку ялапар хъанахъиминнал оьрмудан нигъачIаву душиву. Атаевлул кIицI лавгунни республикалул хъуними тагъар итталу дургъуну, агъалинан кумаг бансса чаранну ляхълай бушиву.

Хукму бунни щин цайнура цурда духлаганнин бацIан, ми цуксса яларай дагъайрив ххал даншивул. НигъачIаву дусса къатрал заллухъруннан бунни мюхчаншиву дуруччинсса маслихIатру. Бувсунни бивсса заралданунсса кумаг властирдал чулуха ккаккан бувну бушиву.



**ДР-лул МЧС-рал министрнал хъиривчу Илдар Атаев зарал бивминначIа**

# Аьралийчу дуклаки оьрчIачIа



**Жамалуттин Ибрагъимов**

**Х**асъсса аьралий операция хъалия игъалаган увкIсса Жамалуттин Ибрагъимовлушак хъунабакъаву хъунни ГъунчIукъатIрал школалийгу.

Ва цувагу Хъун дъввилул гьурттучи Жамалуттин Ибрагъимовлул арсенал арсери. Ванал ппу ХIажибутта тамансса шиннардий илданун бусравну зий ивкIссар шярваллил СПК-лул хъунаману. Ппугу чил канил жандалуца увну, чIивисса оьрмулий ятинну ливчIсса Жамалуттингу хъуна хъуну ур ттат-

тал чувшивугу, буттал яхIгу дакIиву буну.

Аьралийчунашак хъунабакъаврий гьуртту хъунни райондалул бакIчинал хъиривчу Малик ХIусманов, аьралий комиссар Аьли ГъазимахIаммадов, террорданийн къаршисса комиссиялул отделданул каялувчи МахIаммад Гадаев, СВО-лул иширтталсса буллаисса райондалул бакIчинал кумагчи, «Память Гор» тIисса хасъсса аьралий операциялул Ветерантурал ассоциациялул Лакрал райондалийсса отделданул хъунама Ярагъи Дандамаев.

Малик ХIусмановлул кIицI лавгунни, аьралийтурал дуклаки оьрчIашак хъунабакъавурттал агъамшиву хъуннасса душиву хъирив нанисса ник ватан ххирану тарбия давил ххулий. Аьралий ишру нанисса кIантурдая бувкIсса ватан дуручлачиминнал ихтилатиртаву хъиннура куртI хъанай душиву буттал улкхусса ччавугу, му буручлачиминнал хIурматту. Ванал ххи бунни, райондалул бакIчи Зураб Куччаев гъарца

ишираву чIарав ацIлай ушиву хасъсса аьралий операциялий талатиминнал ва аьралийтурал.

Ихтилатру бунни Аьли ГъазимахIаммадовлул, школалул директор Малик Къушиевлул, Ярагъи Дандамаевлул, шярваллил бакIчи МухIад Штанчаевлул, педагог Сиянат Тагъировал. Вайннал барчаллагъ увкунни аьралийчунал ниттихъ, Тамарахъ, бутталмур кIанугу бувгъуну, чумартсса арс тарбия аврихлу, Жамалуттингу ччясса муталий сагъну-саламатну ужагъ-райн зана хъуннав кунни.

Аьли ГъазимахIаммадовлул кIицI лавгунни, аьралийтал, цала оьрмулий хIайп къакуну, ватандалул мурадру буручлай бушиву. Жамалуттиннулгу бувсунни аьралий иширттая, архIал талатиминнал чувшивурттая. ЛичIлулну вичIи дирхъуну бия дуклаки оьрчIру аьралийчуннах, цIухлай бия хасъсса аьралий операциялийсса оьрмулул шартIирдая, аьралий гъалмахтурая. КIицI лавгунни, укунсса хъунабакъавурттай канма исват шайшиву хIакъсса вирттал чIаравва бушиву.



**ГъунчIукъатIрал школалий**

# СВО-лул гьурттучитурацалсса хъунабакъаву

**Л**акрал райондалул бакIчи Зураб Куччаев хъунаавкъунни хасъсса аьралий операциялия кутIасса чIумуй бигъалаган бувкIсса Гъумучиял шяравасса Исакъ СалихIовлушак ва ГъунчIукъатIрал шяравасса Жамалуттин Ибрагъимовлушак.



**Исакъ СалихIов Зураб КуччаевлулчIа**

Аьралийтурал бувсунни цала къуллугърая. Зураб Куччаевлул барчаллагъ увкунни аьралийтурухъ ватандалул ххулий жард къакуну аьралий мурадру биттур буллай бушиврухлу. КIицI лавгунни, хасъсса аьралий операциялий талатиминнал ва вайннал кулпатирттал буруккитту паччахIлугърал хъхъичIххуттай

бихълай бушиву, вайннал оьрмулул къулайшиндарансса чаранну ляхълай бушиву. Гихунмайгу вайннал мурадру райондалул администрациялул къулагъасралу бикIан тIий бушиву.

Исакълул ва Жамалуттиннулгу барчаллагъ увкунни аьралийтурал кулпатирттахсса аякъалухлу.

# ХIалалссар зун барчаллагъ

**Л**акрал райондалул бакIчи Зураб Куччаевлул барчаллагъ увкунни тIабиаьтIрал апатIрайну бивсса зараллу бухлаган буллай зий бивкIсса къуллугъирттахъ ва кьини дуркний чIарав бавцIусса ватанлувтурахъ.

«Лахъи ларгсса риршу гъаралал, тачIав бакъачIинсса ларгулул марххалттал, хъунисса зараллу биян бунни райондалул инфраструктуралун. ЛахIунтту, къунтту багъну зия хъунни ххулурду, тталлу къатI хъуну, ххаллу руцари хъуну, чани бакъа ливчIун бия агъали.

Ххуллурдал ва электросетирттал зузалтран кумагран бувкунни шярваллил жямат, леххаврий бувкIунни шагъурдаюгу, тIайла дурккунни ххуллурду марцI буккан бувансса техника ва гуманитар кумаг.

Хаснува кIицI лаган ччай ура захIматсса шартIирдай, оьрмулунсса нигъачIаврих къабурвгун, хъхъу-кьини къакуну зий бивкIсса ххуллурдал зузалт ва электросетирттал пишакартал, вайннал чIарату ша хIура къабувсса, архсса шархъавусса агъалинал оьрмулун чара бакъа аьркинмур диян дуллай, занай бивкIсса полициялул зузалт, тагъар къулагъасралу дургъуну бивкIсса диспетчертал», – увкунни Зураб Куччаевлул.

ТачIав дакъачIин захIматсса гъвалул тагъар сававну, кьини дурксса ватанлувтуруан гуманитар кумаг тIайла буклай бивкIсса ишбазаранчитурал

сияхI лахъисса дур:

**ДР-лул Виваллил иширттал министр Аьбдурашид МахIаммадов, Халкъуннал Мажлисрал депутат Марат Илиясов, Архмур Восток ва Арктика хъхъичIунмай баврил ялув зузисса ХIажимахIаммад ХIусайнов, Москваливсса Дагъустаннал Культуралул центрданул каялувчи Арсен ХIусайнов, профессор Астемир Шайхалиев, ишбазаранчитал Шамил Аьлиев, Муслим КъатIаев, МахIаммад Мустапаев, Гъарун Ссунгъуров, АьбдулвахIид Жаватов, Аьлил Шуаьев, Анвар ХIажиев, Мурад Шахшаев, Малик Жабраилов, Аьбдулкарим Айгунов, ХIасан ХIасанхIажиев, Сулайман ХIусайнов, Илдар ЦIаххаев, Амир Илиясов, Мариян Илиясовал цIанийсса фонд «Дараччи», ихIсандалул фонд «Чистое сердце», Ттурциял шярваллил жагъилтал ва чIявусса цаймигу. Лях лавгун ливчIсса ухъурча, ялтту бучIияра, увкунни Зураб Куччаевлул.**

Къуват булуннав зухъхъун дакIру сахаватлувсса, ка тIиртIусса лакрал чиваркI! Зул каши ххи даннав! Бувмур чирину бацIаннав! ТIутIайх бичиннав Лакку билаят!

**Лажин хIадур дурссар Зулайхат ТАХАКЪАЕВАЛ**

## МЧС-рал вакилтал Ккуллал райондалий



Вай гъантрай Ккуллал райондалийн бувкунни Аьрасатнал МЧС-рал Кланттул политикалул управлениялул отделданул хьунаманал хьиривчу Станислав Самойлов ва Дагусттаннайсса ЧС МЧС-рал Ляличисса тагьарданул иширтгайн агьали хАдур буллалисса управлениялул отделданул хьунама Ислам Ибрагьимов.

Комиссиялул вакилтурал тАбаьтрал апатИрттайну зараллу хьусса инсантуран бувчИн бунни кумаг тАлав буллалисса аьрзарду чичайсса куц.

ЧС ва ПБ-лул комиссиялул

члентурашал бивунни зараллу бивсса Кланттурдайн. Шиккугу вайннашал документру щаллу бансса бувчИнбавуртту дунни. ЛичИссара кьулагьасрайн ларсунни компенсациялул выплатартту ласунсса документру дузал баврил низам.

Ккуллал райондалул администрациялул бакИчи Ажув ХИусмановлул барчаллагь увкунни анаварсса мутталай хАсул хьусса масьалартту дузал бан кабакьу бивсса комиссиялул вакилтурахь.

Имара САИДОВА

## «Библиотекарттал хьхьу» лакрал щархъайгу

Щалвагу билаятрай кунна, Лаккуйгу хьунни шалагу Аьрасатнал лагрулийсса «Библионочь – 2026» акциялул шад-лугьру.



Гьумук Центральный библиотекалий хьунни «Халкьуннал цашиву – Аьрасатнал гуж» тИсса батIаву. Ва дачин дурну бия библиотекарь ПатIимат ЛухIуева. Аьрасатнал Халкьуннал цашиврул шинан хас дурсса выставка хАдур дурну дия Диана Гадаевал. Дуклаки оьрчIал хьхьичI махьру лавхьунни 8-мур ва 9-мур классирттал каялувчитал Зумруд Абдуллаевнал ва Барижат Омариевнал.

ГьунчуькIатIрал шяраваллил библиотекалий хьунни буккултрашалсса хьунабакьаву. Шикку хьусса ихтилартуру, ккаккан

дуллалисса видеороликругу дия Аьрасатнал Халкьуннал цашиврул шинацIунсса. Буккултрал ккалаккисса назмурдугу дия ваницIунна дархIусса.

ШавкIуллал шяраваллил библиотекалий «Библионочь – 2026» акциялул лагрулий хьунни «Аьрасатнал гуж ванил халкьуннавур» тИсса цIанилусса батIаву.

Библиотекалул хьунмур Фрунзина Кьадиевал хАдур дурну дия Аьрасатнал Халкьуннал цашиврун хас дурсса выставка.

Бадрижамал АБЛИЕВА

## Аьралийчунашал хьунаавкьунни

ЦIуссалакрал райондалул бакИчи МаматIи ХIамзатов хьунаавкьунни хасьсса аьралий операциялия кутIасса отпукрай увкIсса Пахруттин Жабрайловлушал.

Хьунабакьаврий гьуртту хьунни райондалул бакИчинал хьиривчутал Султан ХIамзаев ва Рустам Сулайманов.

Администрациялул вакилтурал аьралийчунахь цIувхьунни ци кумаг аьркинссарив, ссах мюхтажну буссарив.

Хасьсса аьралий операциялийсса тагьардания, аьралийтурал кьучагьшивурттая ва ххувшаву ласунсса умудрай бушиврия бувсунни Пахруттиннулгу.

Аьралийчунаш КИИЦI лавгунни социал газификациялул программалул лагрулий цанма газ будин кумаг аьркинну бушиву. Райондалул каялувчитурал ва масьала дузал бан бакIрайн лавсунни.

Билаятрай захIматсса тагьар хАсул хьусса ппурттуву, Пахруттин цува хIакьсса патриот уши-



ву ккаккан бан хушрай контракт чирчуну, хасьсса аьралий операциялий гьуртту хьун лавгун ур.

– Цимилгу исват хьунни Дагьусттаннал аьршарай цикссагу кьучагьсса, виртталсса арру тарбия бувну бушиву. Жувагу буржлувссару жула аьралун-

нал чIарав бацIан. Барчаллагь кьучагьсса арсру тарбия бувсса нитти-буттан. Укунсса патриотьтал буссаксса, умудгу вихшалагу цIакь ханай дур ххувшаву жула чулий душиврий, – увкунни МаматIи ХIамзатовлул.

Имара САИДОВА

## Зараллу бивминналсса буллай бур



Амир Султанов

Мукьра нюжмар дур ЦIуминалийсса ЦIуссаккуллал шяраваллил администрациялул зузалт, райондалул администрациялул вакилтурашал бигьалагай кьинирду дакъа зий.

Итникьини, жу, «Илчи» кказитрал хьунама редактор Руслан Кьардашов ва отделданул редактор Андриана Абдуллаева бувкIсса чIумалгу, шикку даву шириркIуну дия. Чагьардал кьалардугу хьхьичI бивхьуну, ми ххилтIу буллай, зузалтрахь цIухху-бусу буллай ия райондалул бакИчинал хьиривчу Амир Султанов. Вай бия гьараллал зараллу биян бувсса инсантурал масьалартаха зий. ХIакьинусса кьини ЦIуминалийсса ЦIуссаккуллал шяраву 900-нния ливчусса кулпатру (3500-ннийн бивсса инсангал) бур. ЦIанасса чIумалнин кумаг бувара тИсса 2800 аьрза бувкIун бур. Миннува 900 аьрза ххал бивгьуну бур. Вайксса аьрзардаву хIукуматрая кумаг ласун бюхьайсса хьинну чансса бур, цанчирча чIявуминначIа бакьар кьатрал документру (зеленкарду). Мукуминнан хIукуматрал кумаг буллай бакьар. Агана зурул дянив миннаша документру бан хьурча, цIунил аьрза чичин бюхьлай бур. Ца инсаннаша бюхьлай бур кумаграл хIакьираву КIива-шанма аьрза



чичин. ЕДВ (единовременные денежные выплаты) ласунсса, мукунма кьатран ва хьуслин, цIуллу-сагьшиврун бивсса заралданухьсса кумаг ласунсса.

– Прописка дакъасса бухьурча, шяраваллил администрациялул дулайссар справка ми инсантуран мийжаннугу зарал бившиврул, миннал аьрзарду тIайласса бушиврул хIакьираву. Кланттул администрациялул, аьрза бувкIма цана кьакIулсса ухьурча, участковый гьан айссар ххал бан. Мунал чагьар буллуна махь жу сукку шару гихуннайсса даву дуллай. Укун ххал бивгьусса аьрзарду тIайла буккайссар УСЗН-далийн тайннал хIукму бан. Кумаг кьабагьлагьисса чIумалгу, му исват бан, ми аьрзардал ялув зун багьай комиссиялул. Райондалул бакИчинал тапшур буну, жу хьхьичIва-хьхьичI жунма мийжаннугу зарал бившиву кIулсса кьатравух бувккун, миннал масьала шаллу барду. Зарал бивсса 24 кьатта бухьурча, миннува бувагу 3 кьатта бур документру бусса. Так ми 3 кьатлун кумаг буллай бур хIукуматрал, гамур сияхI тIайла дуклакиссар ихIсандалул фондирттал кумаг бан ЗахIматрал министерствалийн. Зараллу бивсса чIявусса

буну, ца жуйнува кумаг бан кьахьуншиву чIалай, баян бувссар федеральный ЧС. Ва сияхIравун ЦIуминалийсса ЦIуссаккуллал шяравалу дакъассару, гийхмур райондалийсса шяраваллауусса зарал бивсса кьатригу (мукунсса 3-4 кьатта бур гьарица шяраву) дагьссар, – буслий ур Амир Султанов.

Аьрза булун бюхьлай бур кьатлун, хьуслин бачИ-кьачИ зарал бивминнаша (сайки циняв укунсса бур), кьатта-кьуш баштан зия хьуну, яхьунсса даражания лавгсса бухьурча ( укунсса бакьар) ва цIуллу-сагьшиврун зарал бивсса бухьурча ( укунсса ца инсан ур). Кьатта-кьушлин, хьуслин бачИ-кьачИну зарал бивсса инсантуран бакIра-бакIрах 78 азарда кьуруш дуллай бур кумагран.

Бивсса зарал ххал буллалисса комиссиялуву бур райондалул ва шяраваллил администрациярттал зузалт, ЖКХ-лул, архитектуралул отделлал вакилтал, депутатьтал. Амир Султановлул бусласимунийн буну, даву захIмат хьанай дур личину зарал кьабивсса инсантурайгу аьрзарду бушиврийн буну, ми аьрзардал ялувгу хьирив лаллай, зун багьлай буну.

Андриана АБДУЛЛАЕВА

## Мордовиянавагу бувкунни кумагчитал

СВО-лул Аьрасат-Снал Виричу Нурмахаммад Хажимахаммадовлул ниттил Сапижат Мазаевал бувсунни, Мордовиянавагса гуманитар гьивулушал Мамедкьалалив бившиву. Ванил барчаллагь увкунни Мордовиянал муфтий Абдулмалик Асаиновлукх, 25 машина хьиривну учлаврихлу.

Ттуршуннийн бивсса волонтертал бувкун бур Поволжьялия шаймунил кумаг буван. Хачайсса шин, дукихачия, оьрчансса ссайгьатру бувкун бур вайннахь.

«Бала бакIрачIан бувкIсса чIумалвагу оьрчIру аьтIун битан кьабучIиссар, оьрчIру ххари банмур чIяруа хьамаллурахь», – тIий бур Сапижат.

Бивну бур вай «Русский крест» фондрал наставник Умар Кремлевлул кьатта пишкаш бувсса тренер барча увангу, кумаг буллау унува цIунция хьуну дуньяллия лавгсса волонтер



Артём Михрабовлул нитти-буттачIан жижара бувангу.

«Артёмлул нитти-буттан хIажливсса путевкарду пишкаш дурссар, Кремлевлул кьатта пишкаш бувсса тренернал кьат-

та лакьаврий, мордовцынал цащала лавсун бувкIсса кьазандалува пулаву бувну, самоварданува чяйгу дурну, хьамалу бувссар, ца кулпат кунма, урцIух лагма лавгун.



Хьирив кьинисса аьрххи Хасавюртуллал райондалийн бия, тикку щинаву ливчIсса шяраваллал агьлу ци тагьарданий буририв ккаккан. Кьянкьану учин хьунссар, шяра-

валлурдура щинаву лирчIсса бала бакIрачIан бучIарчангу, Аьрасатнал билаятрал илданул ккаккан бувшиву кьини дуркминначIа башIайшиву», – увкунни Сапижат Мазаевал.

## Ца дакьикьалул мутталай думуницIа хьуминначIа



«Опора России» дастта-лулгьарал Дагьусттаннаймур кьюкьлул каялувчи, Халкьуннал Мажлисрал депутат Зульгимар Тагьибова бакIчисса делегациягу бивунни гуманитар кумаграшал Мамедкьалалив. Вайннал кьюкьлуву бия Цалчинмур ЦувкIратусса Забида Оьмаевагу.

«Жул цигьурнал гьилисса ахтайнсагу дурна, нахIува-нахIусса пулав, 400 инсан дукралул дузал увссия. Сурагирттай, видеорттай ккаккаву личIири, жула яруннин ккаккмур личIири.

Ца дакьикьалул мутталай гьарзатраца, кьатраца, чIярусса шиннардийсса захIматраца хьусса инсантурал буруккинтту-

гу, пашмансса яругу дакIурдивун кьувтIунаву ливчIунни. На жула шяравасса инсантурачIангу бивра, Шяпинал душ Сакинат Аьлилова ва чIаравва кьатта бусса ванил арс хьуслицIа, думуницIа, кьатраца хьуну бия. Бакьин дан шайсса даражалий кьатри бакьая. Вайнналгу, укун думуницIа хьуну ливчIминнал

дакIру рахат дансса хавардувагу цукун буслансарив кьакIулу бияв. Зараллу гьаксса хьунисса хьуну бия. КIулбакьа бала инсантурачIан шаппай бувкIсса чIумал апатIругу кьавхьуну бикIайсарив. Мюршисса оьрчIру нигьа бувсун бия, нигьа кьабусансса ишгу бакьая. Гьарма шаймур буллау ия, бувмур

АллагьначIа хьинну лякьиннав. Яла-яла, кьатри, кIичIиртту гьагьлицIа марцI булаллисса волонтертурал лухIи бивну бия Мамедкьала. Машгьурсса инсанталгу зий бия: блогертал, политиктал, артисттал. Кьини дурккувкун, ина ци пишалул, ци кьуллугьарал, ци даражалул инсан уссарив бакьарча агьамсса, ссан учIисса, цукунсса кумаг буван кунасса уссариври. Жун бакIрайн агьуна дуньяллийх ца ларгсса спортсмен Умар Нурмахаммадовгу цала командалушал субботникрай.

Жул хьунмур Зульгимар Ибрагимовнал тара кьини дурна чара бакьа аьркинмунил сияхI. Вайннувах дарурттугу бия. «Опора России» предпринимательтурал ва клиникардал кумаграцIух льявкьуну, ванил цилва биян бувсар дарурттугу», – укун бувсунни аьрххилия Забидал.

Забидангу, ванишалминнангу, жуннагу ккаркцири пашмансса кьинирду махьра-махьсса хьуннав, вай хьама ритансса ххаришивуртту ччяни ялун дияннав!

Уттиния тийнмай гьарцагу КIулбакьа балалуца Аллагу Таабаланал буврувчуну лякьиннав! Жунгу утти так хьуймуния чичлансса бужканнав.

## Асаргу, бусравгу хьанахьисса кумаг



Балалувун багьсса Дагьусттаннал агьалинан кумагру буллау бур цайми регионалесса инсантал, цивпацивпалугу. Цалчинсса кьинира 20000 кьуруш кумагран тIайла дурккун дур Кьазанная тарихрал элмурдал доктор, профессор, дуньяллул культуралул (ЮНЕСКО) институтрал ректор, «Европа-Азия» гуманитар академиялул президент, жьаматийсса ишккакку Энгель ТIагьировлул. Ва Аьрасатнал билаятрай машгьурну ур миллатирттал дянивсса иширттал ахтарчу этнополитолог ХIисаврай.

«Жунма квавккунни, Дагьусттаннайх кьини дурккайхту, чIявусса регионалесса, кьатIаллил билаятирттаясса инсантал кумаг буван хьхьичIунмай хьунни. «Тооба» платформалул кумаграйну 900 миллион бавтIунни, Аьрасатнаву укунсса даражалул датIаву хьусса тарих бакьар. 300 азара инсан гьуртту хьуну ур ва датIавриву, цалчинсса кьинива 20 миллион бавтIун бур. На ва яла хьунмур жьара кIицI лаглагисса. Гьаннайсса, балалул инсантал гьан бунни. УчIан шайма увкIунни, кьашайма архнива кумаг буван анавар увккунни.

Энгель Ризакьовичлулгу цалчинсса кьинива цувагу чIаравушиву ккаккан бунни, шайсса кумаг бувану. Хьунмасса барчаллагьри кумагру бувциринан. Хасну ттучIан ттучIанмагу чIявусса инсантал цайми регионал оьвтIий, цIухху-бусу буллау, ци тагьар дуссарив КIул хьуну ччай бия. Даки цIуцаву дуллау бия, укунсса кьулагьас асаргу, бусравгу шайссар», – тIий бур философиялул элмурдал доктор, Дагьусттаннал Гуманитар университетрал теологиялул кафедралул профессор Асият Буттаева.

Лажин хIадур дурссар  
ПатIимат РАМАЗАНОВАЛ

## «Вайннахъ жува так барчаллагъри чин аьркинсса»

**МукIру хьунна нагу: уттин личIину блогертурал даврил хьирив бавцIунувагу къабивкIра. Ялунгума, ссигума бизлан бикIайва, шанма хха, махьру багъайкун кунницIун кув бавкьуну чичин къакIулсса инсантал чялиш буккаву машгьуршиврул хьирив багъну тIий. Утти блогертурал чулухунмай хIурмат багъунни.**

Ххавххун бивзун балапатIру хьусса кIанайн биянсса кашигу дусса, бивукун хьумур бусса куцуй бусансса сантгу дусса, цIимилух мюхтажминнай цIими бунансса дакIругу дусса ми инсантал бия республикалий хьанахьимунил леххаву рутлай. Жугу паракъатну тийнмайну бавцIуну къабивкIру. Минналмур аудитория личIири, подписчиктал чIявусса бур. Миннал леххаврил чIу ччяни ашкара хьанай бур. Масалдаран, Инстаграмрай (Аьрасатнаву къадагъасса сеть) Ккуллал райондалий дучри, оьллу марххалтгалу ливчIун бушиврия леххаву рутлатисса ттул видео (апрельданул

ряххуннийсса) 427 азара инсантал ххал дунни. Вари ттулмур рекорд. Махьми видеортгал просмотр 50 азаруннийнгума къалавхьунни. Марххалтганивун къувтIусса балчан буккан буллалисса ( апрельданул ацIунний) видео ххал дурну дур 46 азара инсантал. Блогертурал видеортгал просмотру миллиондалийн дирсса ва миллионнаха лирчусса дур. Миннал леххаврил чIу циняв регионнайн ва билаятиртайн биллай бия. Минналми ресурсирдай цIакьгу бур, гъай-гъай. Гьаннайсса, гьамин блогертурал кабакъаврийнугур Дагъусттаннал агьалинан кумагрансса арцу лябуккулий датIлай бивкIсса фондругу, идарарттугу. Ва ялагу, блогертал цивпагу иширайнусса кумагру булла бия. Чачаннал Республикалийсса блогер Асхаб Тамаевлул бакIрайн лавсуна 20 квартира булун къатри бакъа ливчIминнан. Цува Мамедкъалалийх уккайхту, вана агьалинахъ тавакью бунна соцсетирдайсса публикацирдай лайкру бихьлахьияра, ца

лайкрахлу ххюра къуруш хIисав дурну, роликирттахлу квартирарду машин ласунсса арцу салкъи дан хьанай дунутIий. Хасну на нава дакIнийхгуну барчаллагърай бура ва хьамаличунанайн, жула шяраваллил кIива кулпатран квартирарду булун бакIрайн лавсун тIий ва махьгу бацIан буну тIий.

Килчинмур квартира булуна миллион лайк хьуннийнагу къаавцIуну. Вайва гьантрай цала чулуха 5 миллион личIи бунна блогер Михаил Литвиннул. Амма Аьрасатнал ПаччахIлугърал Думалул депутат Бийсултан ХIамзаевлул вана агь дурна, «трагедиялийсса хайпру» къаххуйссар, энергетикерттал реклама дуллан къабучIиссар куну. «Наркота къаххуйссар, энергетикру къаххуйссар, алкоголь-къаххуйссар», – увкуна ХIамзаевлул блогернахъ. ХIамзаевлул махьру асар хьуну, блогер Асхаб Тамаевлулгу кумаграл даву дяличIангума дурна, кIицI лавгуна цува я хайпирдах, я арцух мюхтажну акъа-

шиву, къини дурксса инсантуран кумаг бунансса бакъа цамур мурад бакъашиву.

Цу уссар Дагъусттаннай «наркотикругу, энергетикругу, хIангу ххуйссар» тIисса? Талан багълай бухьурча, талан аьркинни ттучаннашл, ресторанащл, наркотикру дахху-ласу дуллаланащл. Та диркIиссар Дагъусттаннай кумаг бунан увкIсса инсаннай, хьамаличунан агь дуваву ххуйшивуну? Дагъусттаннал агьалинал илданун ккаккан дунни цамургу ххуйсса хасият: хьамаличунан хIурмат лахьсса бушиву ва хьамаличунан къаччан бикIан бунан къабацIантIишиву. Суккурагу къадуванна Хамзаевлухлу букканмигу бивкIиврул тема. Махь учин анавар уккаву – гьарнаца хьун бюхъийсса ишири. БакIрай авцIуну, гьалатI бакIрайн ласавугу гара чувшиврул ххуллийссар. Утти ттулмур чарил чIучIа чунни учирча, телеведущий Владимир Соловьевлул «ахьувунни». Телеведущая Виктория Бонялгу хIарачат бунни Дагъусттаннай хьусса ба-

лардах ва зараллах агьали къулагъас дуван бунан. Ванил ца миллион буллунни кумагран. «Дагъусттаннал агьлу гьилисса агьлур. Оьруснал кулпатру къашавайсса оьрчIан арцу датIлатIисса ппурттуву дагъусттанлувал мунангу гьуртту шай. ЦIанакул вайннан кумаг бунансса чIун дуркIунни», – увкуна ванил подписчиктурахъ. МукIру хьунна, гачIав царагу телепередача «Дом-2» ххал къадурссар, му передачала гьалгъа тIутIиний на аьвамссара. Викториял дусгу бакъара, муттаэгу бакъара. Амма федерал каналданий хьамитайпа къювкью-къадар буллалисса махьру учаву – му лайкьсса даву дакъар. Ва ялагу, федерал канал – чиваркI чапалсса махьру тIун бикIай кIанурир?

Дагъусттаннал агьалинал илданун ккаккан дунни мяьрипат, хьамаличунан хIурмат цачIава мунангу лахьну бушиву.

Патимат РАМАЗАНОВА

## Ккурккуллал мархри бусса къарачай душ

**Дагъусттаннайх къини дурксса чIумал кумаграл какъатIиртIусса цучIав къавхьунни. Шайнал шаймур булла, жула халкъуннал чIарав бавцIунни уссурвалсса Чачаннал, Къабардин-Балкъарнал, Къарачай-Чаргаснал Республикартгал, Аьрасатнал личIиличIисса регионал агьлу.**

Вай гьантрай МахIачкъалалив Къарачай-Чаргаснава дуркIунни 110 тонна шинал. Ми тIайла дуркун дия мархри Ккурккуллал шяравасса Ахьияева (Яхьияева) Миланал ва ванил ласнал Камиллул. 100 тонна аьркин дагълагъисса кIанттурдайн диян дан, 10 тонна МахIачкъалаливсса ккурккуллан куну, гьан дурну дия вайннал.

Гьанчунал бусласимунийн буну, чIярусса шиннардил



хьхьичI, 1920-ку шиннардий, Ккурккуллал шяравасса Хьунма Яхияев къалайчишиву дуллан Къарачай-Чаргаснаву лавгун, шаргу дурцуну, тийхва миналул хьуну ур. Ванал 7 арсна-

ва шамуннал Буттал кIанттул цIанийсса Хьунмасса дяввий жанну дулуну дур. Шяравун учIан ччайна, хиялгу дуррайн къабувккун аьпалул хьуну ур. ОьрчIавурир мунан бутта

гьалгъа тIий ивкIсса Ккурккуллахсса ччаву лирчIун дур.

Рамазан тIима арснал бур шама арс: Муса, Хайсу, Мурадбий. Вай шамагу арцу-мусил мяьданну ххал буллалисса геологалну зий бивкIун бур. Хьунама, Муса, Дагъусттаннал лайкь хьусса геологрия. Таний Хизри Шихсаидовлул дуллуссия ванан му бусравсса награда. Муса шанна шинал хьхьичI аьпалухьхьун лавгунни. Ккуркклиясса гьанчу лявкьуну, дакIаву даврил сиптачи хьуну ур Хайсу тIима арс. Ва 1973-ку шинал шяравун увкIун, гьан-маччанал гьаттайнгу ивну лавгун ур. ТачIав ккурккуллашлалсса дакIаву руцан къариртун дур. 1977-ку шинал увкIун ивкIун ур Мусагу. ОьгттурчIавух Дагъусттаннахсса, Ккурккуллахсса ччаву дулла-

сса Милана Мурадбий тIиманал душ бур. Ванилгу хьунмасса хIарачат бур Дагъусттаннайсса гьанчунашлалсса дакIаву цIакь дан. Милана, ванил лас Камил ва цаймигу мачча-гьанми бивкIун буссия ларгсса шинал октябрь зуруй МахIаммад Буттаевлул 100 шин шаврин хас дурсса вечерданий гьуртту хьун.

Ккурккуллал жьаматрал цIания дакIнийхгуну барчаллагъ тIий буру Миланан ва ванил ласнахъ Камиллухъ вайннал дурсса чумартсса даврихлу. Ца ххисалану барчаллагъ Миланан цила мархри, буттагьал ватан дакIний душиврухлугу.

Зу бивмур цадакъану бацIаннав, барачат бишиннав, каши ххи даннав.

Андрiana АьДУЛЛАЕВА

## Хьхьу-къини дакъа зий бур

**#МЫВМЕСТЕ регионал штаб хьхьу-къини къакуну зий бур тIабиаьтрал апатIрайн зарал бивминнан кумагру биян булла. Штабрал колл-центрданий баян бивсса куцуй, гьараллал биян бивсса зараллу бухлаган булла байбихьхуния шинмай кIазаруннийн дирсса оьчавуртту дуркIун дур кумаграх мюхтажминная.**

ХIакьину ва проектраву гьурттуу ур 2800 волонтер, #МЫВМЕСТЕ регионал штабращал архIал зий бур Аьрасатнал ЯтIул Ххачлил зузалт, «Единая Россия» партиядул «Жагьилтурал гвардия», билаятрал личIи-личIисса вузирдал студентгьал, волонтертал-медиктал ва дакI цIуцIисса инсантал.

Волонтертурал даврил агьаммур мурад бур агьалиная дуркIисса оьчавурттах анавархьиндарай къулагъас дурну, мугьлат бакъа кумаг аьркиннийн



гьан. Вай занай бур къатри шинаву ливчIисса кIанттурдайн шин дуккан дан, марцIисса хIачIай шин, дукия ва даруртту биян бан. МарцI дулла бур шин ялтту дуккавийну чапал хьусса къатрал хIаятру, кIичИиртту.

Волонтертал кIицI лаглай бур цала агьаммур даву хьанай душиву захIматсса тагьарданува

ливчIисса инсантуран цила чIумал кумаг баву, гайннал оьрмулун мюхчаншиву дуруччаву, лирмур цу дуккан данца гайннал оьрмулун къулайсса шартIру дузал даву. Бувсунни бацIаву дакъа зун тIий бушиву тIабиаьтрал апатIрайн зараллу бивминнан кумаг аьркинну буссаксса.

Зулайхат ТАХАКЪАЕВА



## Волонтертал бивкIунни Дагъусттаннай

**Дагъусттаннай тIабиаьтрал апатIрал зараллу бивсса цалчинсса гьантрайва. Донецкалал Халкъуннал Республикалия бивкIун бур Халкъуннал фронтрал анаварсса группа.**

Хар-хавар бакъасса иширттаву зий вардишсса волонтертал зий бур МахIачкъалалив детсадиртгал, школардал, чIярузивруду дусса къатрал лувчIинния, хIаятирттава ва

кIичИирттава шин дуккан дулла.

Волонтертурал Дагъусттаннал агьлу ккалли булла бур цала уссурвалсса миллатран. Вайннал кIицI лавгунни Украиннал нацистгьура цивпа мурахас бавриву ва дяввий лекъа-пIякью хьусса инфраструктура цу дуккан давриву жула республикалул хьунмасса кIану бугълай бушиву.

Зулайхат ТАХАКЪАЕВА

# Волгоградуллал областърая — шанттуршра тонна кумаграл

Волгоградуллал областърая «Единая Россия» партиалулшал цачуну Дагъусттаннайн тIабиаьтрал апатIрайну зарал бивминнан бувкIунни гуманитар кумаграшалсса ацIния мукъва хъунмасса фура.

Волгоградуллал областърал губернатор Андрей Бочаровлул мукъурттийну учин, гуманитар кумаг хъуну бур жула хъунмасса билаятрал халкъуннал цашиву ва уссушиву ккаккан дуллалласса акцияну. Туршунния ливчусса инсантал хъху-къини дакъа бувккун, лахъан дурну дур шантуршуннийн дирсса тонна кумаграл – дукия, лаххия, даруртту ва стройматериаллу. Жула билаятрал халкъуннал уссушиву тастикъ дансса иш хъуну бур кумаграшалсса фураду Аьрасатнал аьралий савлугърал ца яла хъхьичIунмур кIанттун ккаллисса, бусалардаву ливчIсса Мамаев Кургандалия тIайла букваву.

Шикку совет солдатнал вичушиврул ва чувшиврул лишанну хъусса бакIрай, хъачIрай хъачI дирхъуну, душманнашал талай бивкIссар жула билаятрал личIи-личIисса миллатирттал инсантал, чIявусса дагъусттанлултуралгу жанну дуллуссар ва аьрши мурахас дуллау.

«Хъуннасса агъамшиву дус-



сар жула ватанлултурансса кумаг, гъамин, ва кIанттава – Сталинградуллахлусса талатаврил вирттаванрасса гъайкалданул ухнила тIайла буклай бушиврул», – увкунни Бочаровлул.

КIицI лавгунни ва акциялул халкъ цачIун буллау бушиву ца аьмсса мурадрал – къини дуркний куннал чIарав кув бацIан.

Дакинин бувтунни ларгсса шинал «Знамя Победы» автопробег дайдирухъуну диркIшиву шичча Мамаев Кургандалия. Таний автопробеграй гьуртту хъанахъиминнал бивтссар шала

Аьрасат, Ххувшаврил Ттугъ Москвалийн Парадрайн биян банца.

Ва базилухъ Волгоградуллал агъали дагъусттанлултурал чIарав бавцIунни, цивппа чув ялапар хъанай бухъурчагу ватанлултурал кумагран бучIан хIадурну бушиву ккаккан буллау.

Укунсса сиптардал исват буллау бур хъиншиврул ва кумаграл хIучардай ялапар хъанахъисса Аьрасатнал жяматрал цашиву.

**Зулайхат ТАХАКЪАЕВА**

# Байбивхъунни Лакрал Кубокрал тIуркIурду



Апрельданул 8-нийн Ляховлул кучалийсса «Целитель» центрданул конференцзалдану хъунни Сиражуттин Илиясовлул аьпалун хасъсса 11-мур Лакрал Кубокрансса кIунурду бичаву.

Апрельданул 12-нийн Лакрал Суперкубокрал дачи-финалданий ччалли дурккунни Ялув-ЧIатIлухъиял ва ТIюхчардал кумандартту. ТIюхчардал команда ххув хъун-

ни 4-0 счетрай, ва хъунни Лакрал Суперкубокрал 1-мур финалист. Ххюлуссуннал команда дух хъунни Ххутрал командалуяр 5-0 счетрай, ва хъунни 2-мур финалист.

Лакрал Кубокрал В группалул 1-мур турданий ДучIиннал команда ххув хъунни Ккуллал командалуяр 4-3 счетрай. Уручулал – 2-мур команда ххув хъунни Кьукуннал командалуяр 2-1 счетрай.

2026 шинал Лакрал Суперкубокрал финалданий ТIюхчардал команда дурккунни Ххутрал командалушал. ТIуркIуллул хIасил хъунни 1-1. Лакрал Суперкубокрал чемпион хъунни Ххутрал команда.

2026 шинал Лакрал Кубокрал А группалул 1-мур турданий «Ххут-2» команда дух хъунни ЧIяйнал командалуяр 1-4 счетрай. Хъурхърал команда ххув хъунни Хъюйнал командалуяр 7-1 счетрай. Хъурхърал команда дур А группалул 1-мур ххуттай.

Лакрал Кубокрал Д группалул 1-мур турданий ЧукIуннал команда ххув хъунни Карашрал 2-мур командалуяр 5-0 счетрай.

2026 шинал Лакрал Кубокрал Д группалул 2-мур турданий

ЩуссачIуртташиал команда ххув хъунни Гьущиял командалуяр.

2026 шинал Лакрал Кубокрал 2-мур турданул тIуркIурдал хIасиллу:

«ГьунчIукъатIи»	-2»	–
«Щуссаккул»	1-3	
«Караш» – «Уручул»	5-3	
«Ялув-ЧIатIлухъи» – «Читтур»	1-5	
«Дюкьул» – «Ккул-2»	2-3	
«ЧIуртташи» – «Щуссалак»	1-3	
«Хъусраши» – «Ххюлуссу»	4-1	
«Гъамияши» – «Ваччи-Щунудагъ»	7-2	
«ТIюхчар» – «ДучIи-2»	2-1	
«Ххут» – «Шахъуйми»	5-0	
«Хъур» – «Гъумучи»	0-4	
«Гъуши» – «ЩуссачIуртташи»	2-3	

**ХI.АЬДИЛОВ**

Аьрасатнал машгурсса балайчи Григорий Лепсдул бувсунни тIабиаьтрал апатIрайну бивсса зараллал ялув.

# Ххюва миллионгу, ихIсандалул ххуллийсса концертту

Баян бунни шавши бивсса агъалинан кумагран буллушиву миллион кьурушрал. Арцуйнусса кумаг бакъасса, дакиний ушиву цувагу учIан республикалийн ихIсандалул ххуллийсса концерт ккаккан дансса мурадрай. Концертрай хъусса арцу дулун инфраструктура дакъин дан ва ялув магъи дакъа ливчIминнал кумагран.

«ХIакъину дагъусттанлултурай хъини дурккун дур. Жула инсаншиврул буржри шайсаксса вайннал чIарав бацIан. ЦачIу жушава бюхъантIиссар агъалинан захIматсса тагъарданува буккан кумаг бан», – увкунни балайчинал. Республикалул



агъали барчаллагърай бур балайчинайн!

**Зулайхат ТАХАКЪАЕВА**

# Студентъталгу бур чIарав бацIлай



Волгоград шагърулул лавайми дуккаврил идарарттаву кIулшиву ласласисса Гъанмур Баргъбуккавал билаятирттаясса – Палестиннавасса, Иорданиянавасса, Египетнавасса ва Суданнаясса студентътал Аьрасатнал студентътурашал бувкIун бур тIабиаьтрал апатIрайну зараллу бивсса дагъусттанлултуран кумаг бан.

«Хъинбала хъинбалану кIура баяйссар. Дагъусттаннал агъалинал Палестиннал бувмур лахълай лахъан къахъунтIиссар. ХIакъину жу дагъусттанлултуран буллалимур, вайннал жун бувмунил ца чIивисса бутIар. Дагъусттан жул хъунама уссур. Жун шинниаргу кIулссар къини дурккнал чIарав бацIаврил кьимат. Ччай бур зарал бивсса кIанттурду цу буккан баврил ххуллий чIиви-хъунсса захIмат

жувагу бишин», – тIий ур Волгоградрай дуклакисса Палестиннавасса Ибрагъим.

Цумацагу студентнал кIицI лавгунни цува Дагъусттаннайн увкIун ушиву так ца цахлува акъасса, къини дурккнал чIарав бацIан хIадурсса шала халкъуннал цIания.

Волонтертал- студентътал зий бур зараллу бивсса кIанттурдай, къатри лекьлурдацIа марцI дуллау, къаркъарал гъагъ буккан буллау, инсантурачIан гуманитар кумагру биян буллау.

Укун Волгоградуллал студентътурал сипталул личIи-личIисса культурардал ва диннал жагъилтал цачIун буллау бур аьмсса мурадрал – къини дурккнал кумаграл ка тIитIин хIадурну бушиврул.

**Зулайхат ТАХАКЪАЕВА**

Апрельданул 17-ний ДР-лул Экономикалул министрствалул зузалтрал лахъа-хъунсса даражалий хъунабавкъунни Ххувшаву ларсун 81 шин шаврин хас дурсса, «Единство народов – сила России» цланилусса автопробеграл гурттучитал.

## Вирттаврал аьпалун хас дурсса акция



Автопробег сакин дурну дур Дагъустаннал региондалийсса «Победа» тИсса, шалагу Аьрасатнал жяматийсса фондрал отделениллул ва «Союз офицеров Республики Дагестан» тИсса жяматийсса идаралул ДР-лул Экономикалул министрствалул чIарав бацIаврийну. Гъашину автопробег шамилчинни дуллалисса.

Автопробеграл гурттучи, ДР-лул Экономикалул министрствалул экономикалул управлениялул хъунама МахIаммад-Шамил Буттаевлул бувсунни, гуртту хъуми Дагъустаннал личИ-личИсса районнай бившиву. Шикку машинарттал колонна хъунадакълай бивкIун бур кIантту-кIанттурдайсса администрациярттал вакилтал, патриот идарартту ва дуклаки оьрчIру.

– Бюхтулсса Ххувшаврин хас дурсса автопробег ларгунни лайкъсса даражалий. Жу хъунабакълай бивкIсса жагьилтурал чIявусса суаллу буллай бия билатрлар тарихрая, Буттал кIанттул цIанийсса Хъунмасса дяввилул чIараву къучагъшивуртту ккак-

кан дурсса вирттаврая. Ва автопробеграйну жува ялун нанисса никиран эбратну хъусса вирттал дакIнин бичлачиссару. Барчаллагъ учин ччай ура гуртту хъуцириннахъ, – увкунни МахIаммад-Шамил Буттаевлул.

Автопробеграву гуртту хъуминнахъ барчаллагъ тИсса ихтилатру бунни Аьрасатнал Виричу Загъид Загъидовлул ва «Победа» патриот фондрал каялувчи Ибрагъим Ибрагъимовлул.

– ХIакъину жува хъунабакълай буру хъуннасса агъамшиву дусса патриот акциялул гурттучитал. Вирттал дакIний битаву, жулва тарих кIулшиву жучIара мударану къадрукъиматрай дикIан аьркинссар. Жунна тачIавгу хъамаритан къабучИссар жулва буттахъал дурсса виричушивуртту, – увкунни Загъид Загъидовлул.

Хъирив гурттучитурал Аьрасатнал Виричу МахIаммад НурбахIандов дакIнин утлай, Экономикалул министрствалул хIаятраву дирхъусса Виричунал гъайкалдануцI тIутIив дирхъунни.

## Давурттах луглагими цачIун баву мурадрай



Апрельданул 17-ний МахIачкъалалив хъунни давурттах луглагиминнан ххулдурду тIитIлатИсса «Работа России. Время возможностей» тИсса шалагу Аьрасатнал ярмарка.

Шикку гуртту хъунни ДР-лул захIматрал министрнал хъиривчу Жабраил Жабраилов, ДР-лул транспортрал ва ххулдул хозйствалул министрнал хъиривчу Саэд Рамазанов, Дагъустаннал профсоюзирттал федерациялул председателна хъиривчу Муса Билалов. Ярмаркалул даву дайдахълахъисса мажлис тIивтIуна Жабраил Жабраиловлул.

– ХIакъину Аьрасатнал цинярдагу регионай архIал дайдирихъуссар агъали давурттал дузал буллалисса ярмаркалул лагрулийсса мероприяртту. Вакансиярттал ярмарка даврил мурад хъанахъиссар давурттах луглагими ва давурттал шалу буллалими цачIун баву. Шикку давурттах луглагиминнан хIасул дурну дур республикалул ва Аьрасатнал регионайсса чIирисса ва хъунисса предприярттал ва бизнесрал каялувчитурашл хъунабакъинсса, цIухху-бусу бансса къулайшиннарду. Пишакартал тIалав буллалиминнангу цала идаралия балжину бусан ва кадрардал масъала шалул бансса сант ххисшала хъанахъиссар. Гъашину вакансиярттал ярмарка цалархIал най диркIссар республикалул шагъурдайсса ва районнайсса 46 площадкалий. Республикалий дуллалисса ярмаркарттай гуртту хъуну ур 15 азара инсан, 500 предприятие. МахIачкъалив

дуллалисса ярмаркалий гуртту хъунни МахIачкъала ва Капсийск шагъурдаясса 50 предприятие. Вайннал тIивтIуну бур 1000 пишакар тIалав уллалисса вакансияртту.

Ярмаркалий личИссара къулагъасрайн лавсун буссар хасъсса аьралий операциялул гурттучитал ва миннал кулпатру. ТIивтIуну буссар хасъсса аьралий операциялул гурттучитурал маслихIатру буллалисса «Годекан для СВОих» тИсса ва «Очаг для СВОих» тИсса, аьралий операциялул гурттучитурал ниттихъал ва миннал кулпатирттал чIарав бацIлацIисса клубу, – увкунни Жабраил Жабраиловлул.

– Ххирасса оьрчIрув, хIакъину шикку хIасул дурну дур зула оьрмулул ххуллу язи бугъансса каширду. Хъунисса ва хъьичIунсса компаниярттал баян буллай бур цачIавасса вакансиярттая ва дуллай бур карьералул лавай хъунсса сант. Гурттучитурал кIул хъанай бур цIусса вакансиярттая ва даврийн къамул буллалиминнансса хIукуматрал чулухасса какумаграя. Му бакъассагу, бюхълай бур давурттал дузал буллалиминнашл собеседование дурну, жула регионалий дакъассагу, республикалул къатIувгу давуртту лякъин. Чялиш буккира зула бюхъугу, гунарду, кIулшивурттугу зунна мюнпат буну ишла дан, – увкунни Муса Билаловлул.

Авадансса дия ярмаркалул программа. Хъунни шикку давурттал дузал буллалиминнал чулухасса презентацияртту,

тренингу, семинару, личИличИсса пишардал сферардавусса мастер-классру ва хъуними классирттал дуклаки оьрчIансса «Вакансия» тИсса тIуркIу. Шиккува бия давурттал дузал буллалими ва давурттах луглагими хIала-гурттуну зунсса ва агропромышленный предприярттал пишакартал цачIун буллалисса хасъсса майдану.

Ярмаркалий гурттучитуррахъ бувсунни «Кадръ» тИсса миллатрал программалул лагрулий укьва пиша лахъынисса ва пишалул даража гъаз бансса шартIирдаягу.

Ярмаркалул сакиншинначитурал кIицI лавгунни цIанасса ппурттуву тIалавсса пишардал квалификация гъаз даву мурадрайсса ххуллу-чаранну. Давурттал дузал буллалиминнал бувсунни даврийн къамул баврил шартIирдая ва пишакартурал чулухуннайсса тIалавшиннардая.

Гурттучитураша бюхълай бия республикалул Агъали давурттал дузал буллалисса центрданул чулухасса хIаллишиннардал хIакъиравусса балжисса информация кIул бан. Ва къинисса ярмаркалий мукунма бия жяматийсса идарарттал ва политикийсса центрдал вакилтурашл хIала-гурттуну зунсса ихтиярду дусса майдан.

ХIасил, ярмарка хъунни студентътуран, дуклаки оьрчIан ва давурттах луглагисса инсантуран ххулдурду тIитIлатИсса агъамсса ишну. Ярмарка нанисса хIаллай дуклаки оьрчIал ва студентътурал ккаккан дунни концертрал программа.

Дагъустаннай апатIру дивксса гъантрай, республикалул шагъурдан ва районнал кумаг бунни Аьрасатнал Виричу НурмахIаммад ХIажимахIаммадовлул цIанийсса «Патриот» тИсса ихIсандалул фондрал.

Вай гъантрай «Патриот» фондрал ЦIуссалакрал райондалийн тIайла дурккунни дезинфекция дайсса «Сабисепт-М» растворданул 370 литра. Инсантурал

## Бусрав хъунни

къатта-къуш, кIулшиву дуларил ва цаймигу идарартту щинавун бювкъсса кIанттурдай лахъай азарду ппив хъун къаритаву мурадрай, фондрал буллалисса кумаг хъуннасса агъамшиву дусса хъанахъиссар. Дезинфекция дайсса сурсатру хъьичIрахъьичI дулунни ЦIуссалакрал райондалийсса школардан, са-

дикирттан ва цIуллушиву дуруччаврил идарарттан.

Райондалул администрациялул тIалавшиндарайн бувну, байбихъунни классру, группарду, жанахIру, столовийртту, санузельлу марцI буккан буллай. Мукунма, идарарттал каялувчитурая тIалав бунни, санитария дуруччаврил ялув къанкъану

бацIан аьркиншиву ва иш багъсса чIумал аьркин дансса дезинфекция дайсса сурсатирттал луртан дишаву.

Вай иширттаву цахара дурсса аякъа бусрав хъусса ЦIуссалакрал райондалул каялувчитурал барчаллагъ баян бунни «Патриот» фондрал учредитель Энгельс ХIажимахIаммадовлул.

– ЦIанасса ппурттуву ва агъалинан хъуннасса агъамшиву дусса кумаг хъунни. Лахъайсса азарду ппив хъун бюхъ-

айсса, ниъгачIаву дусса ппурттуву, «Патриот» фонд чIарав бавцIуну, агъали азардая мюхчан бунни, – увкунни МаматIи ХIамзатовлул.

Шиккува кIицI лаган, ЦIуссалакрал райондалул агъалинан бакъассагу, шалагу республикалул бусрав хъунни гуманитар акциярдавух чялишисса гурттушинна буллалисса фондрал давуртту.

Лажин хIадур дурссар  
Имара САИДОВАЛ

## «Илчилул» календарь

## Ва зуруй бувссар:

\*\*\*

Апрель зурул 28-нний 1926 шинал увссар публицист, архитектор, жяматийсса ишкакку **Жарулагь Керимов.**

\*\*\*

Апрель зурул 28-нний 1982 шинал увссар МахIачкьгала шагьрулул Кировский райондалул администрациялул бакIчи **СалихI Сагидов.**

\*\*\*

Апрель зурул 29-нний 1928 шинал увссар филологиялул элмурдал доктор, профессор **Халил Халилов.**

\*\*\*

Апрель зурул 30-нний 1947 шинал увссар математикалул элмурдал доктор, профессор **ХIасан Айгунов.**

\*\*\*

Май зурул 1-нний 1923 шинал увссар медициналул элмурдал доктор, профессор **Аскандар Масуев.**

\*\*\*

Май зурул 1-нний 1977 шинал бувссар балайчи, Дагьусттаннал халкьуннал артистка **Лариса ХIажиева.**

\*\*\*

Май зурул 3-нний 1933 шинал увссар подполковник, ДР-лул транспортрал лайкь хьусса зузала **Кьурбан Кьубалаев.**

## Барча уллай буру



Апрельданул 21-нний цалва оьрмулул 70 шин хьунадаркьунни Шахьуйннал шьравасса **Аьлиев Кирамуттин Аьлилул арнал.** Ххаллилсса лас, ппу, татта, вайннуцIун цаймигу

махьру ишла буган хьунссар Кирамуттиннуя гьалгьа тIисса чIумал.

Уттининсса оьрмулул ххулул ванал бивтссар цалва оьрчIангу, цайминнангу эьратну, цува ялапар хьанахьиний ва зузиний бусравну.

Украиннай Первомайск шагьрулий школагу кьуртал бугну, Кирамуттин увхссар Харьковулл шьраваллил хозьйствалул электрофикациялул механизациялул институтрал энергетикалул факультетрайн. Вагу кьуртал бугну, инженер-электрикнал пишагу лавсун, зун ивкIссар Первомайскрал райондалийсса яла хьуннамур откормочный комплексрай хьунама энергетикну.

Дагьусттаннал хьуни-хьунисса идарарттай зий ивкIссар хьунама инженерну.

1997-ку шинал зун ивкIун, «Дагьэнегролий» лавхьссар отделданул начальникнайин бияннинсса шачIантту. Ванал каялувшиву дуллалисса отдел бивкIссар хьинну хьунмасса, Дагьусттаннал яла хьуни-ми заводру, идарартту шаллу буллалисса.

Цалла даву ххирасса, ххуйну кIулсса Кирамуттин пенсиялийн увккун махьгу зий уссия. Зузисаксса шиннардий лайкь хьуссар чIярусса нагдаррттан, бахшишерттан.

Кирамуттиннухь юбилейгу барча тIий, чIа тIий буру чIярусса шиннардийсса цIуллу-сагьшиву, ххарививуртту ва хьиншивуртту, дакIнийсса мурадру шаллу шаву.

**Кулпат, арсру, душ, вайннал оьрчIру**

## ЦIанихсса художникнал цIа цIанихсса школалун



МахIачкьгалалал ОьрчIал художествалул школалун дирзунни оьруснал цIа дурксса художник **Евгений Лансерел цIа.** Ванин хас дурсса батIаврий гьуртту хьунни чIярусса инсантал, бусравсса хьамал, вайнна-вух хасну ва иширал цIаний республикалийн увкIсса художникнал правнук **Павел Сергеевич Павлиновгу.**

Ва батIаврин сававну цагукIивагу иш бакьая: Евгений Лансерел 150 шин, Дагьусттаннал цалчинма-цалчинсса художествалул школалун 100 шин

ва МахIачкьгала шагьрулул ОьрчIал художествалул школалун 50 шин.

БатIаврий махь лавхьунни МахIачкьгалалал шагьрулул депутатьтурал мажлисрал председатель Хиби Аьлиевлул, шагьрулул Культуралул управлениялул начальник Фарид Абалаевлул, ва школалул директор Гульнара Мамашевал, искусствоведениялул доктор, В.И. Суриковлул цIанийсса МГАХИ-лул доцент Павел Павлиновлул ва цайминнал.

Школалул лажинчIирай ху-

дожникнал цIанишласса ула тIиртIунни Павел Павлиновлул.

Школалул хIадур дурну дия художникнал суратрашласса стенд ва художникнал суратиртая оьрчIал дирхьусса суратру дурса выставка.

ЦIа дурксса художникнал цIа школалун дивария ххарину бия педагогтал ва оьрчIру. Ва кьинилух ялугьлай вайннал цукссагу хIал хьуссар, ва ххулий кьачливисса захIматгу бивхьуссар. Мияжаннугу, багьвай, лайкьну дурсса давур ва хьанахьисса, цанчирчан Евгений Лансерел цIа цIакьну дархIуну дуну тIий жулла республикалуцIун. Хасну ванал хIарачатрайн бивнур республикалул пишакарсса цалчинсса художниктал бивксса: Муэтдин-Араби Джемал ва Хасбулат Аскар-Сарьджа. Ванияр ттуршлийхьайсса шиннардил хьхьичI Лансере ялапар хьанайгу, зийгу ивкIссар Дагьусттаннай, Щурагь, ваналли тIивтIусса республикалий сурат дишаврил цалчинсса курсругу.

МахIачкьгалалал ОьрчIал художествалул школалул директор, жува лаккудуш Гульнара Нажмуттиновнашласса ихтилат бишунну кказитрал цанияца номерданий.

**Бадрижамал АьЛИЕВА**

## ЛачIун буккавил Азиянал чемпионатрай

Апрельданул 12-нний **АКьиргьизиянал Бишкек шагьрулий кьуртал хьунни лачIун буккавил Азиянал чемпионат.**

Финалданий мусил медальлал цIанийсса лачIун буккавриву ххюннавацца шама лачIунуку ивкIссар Бахрейнал цачIундур командалувуцца Дагьусттаннал легионертал. Амма миннава цаннанвагу нясив хьуну бакьар ххув хьун.

МахIаммадрасул Аслуев (74 кило) финалданий ух хьуну ур Япониянавасса ду-

ниялул чемпион Йошиносукка Аоягьяр 0:2 счетрай. Финалданийнсса ххулий Аслуев ххув хьуну ур кIия лачIунукууяр.

ХьхьичIми шиннардийсса Азиянал чемпионатирттайгу ванал кIийлла дурххуссар чарвитул нагдарртту.

Мукума бух хьуну бур жула цаймигу лачIунукукулт – МахIаммадрасул Шарипов (92 кило) ва Шамил Шарипов (125 кило).

КIиягу бух хьуну бур Ираннал лачIунукукултраяр

– Мобин Азимьяр (0:1) ва Олимпиадалул тIуркIурдал призер Амир Зарьяр (0:4). Финалданийн бияннин мигу ххув хьуну бур цала муттаэтураяр.

Бахрейнал командалувасса уттигу ца Дагьусттаннал вакил Хидир Сайпутинов (86 кило) лавхьун ур пьедестальданул 3-мур шачIанттуин.

Четвертфиналданий ва ух хьуну ур Мукулу Дахия тIисса Индиянал лачIунукууяр (0:9).

**ХIасан АьДИЛОВ**

СЛУЖБА ПО КОНТРАКТУ

НОВЫЕ УСЛОВИЯ ДО 31 МАРТА

2 млн руб. - от РД через Полк резерва

Единовременная выплата

2,5-2,9 млн Р\*

Зарплата от 210 тыс Р

400 г.д. - РФ, от 100 до 300 г.д. - от муниципалитета

117 фед. номер

Пункт отбора по РД  
8 (989) 484-69-95

Контракт чирчусса республикалул ялапарлувтуран дулайсар 2,8 млн кьуруш цалархIал:

500 000 кьуруш – Дагьусттан Республикалул чулухату;  
1,5 млн кьуруш - Дагьусттан Республикалул чулухату махьун бивтмур полкравун контракт чирчуминнан;  
400 000 кьуруш – федерал бюджетравату;  
300 000 кьурушрар кьачансса – шагьрурдал ва районнал чулухату.

Контрактникнал харж – 210 азарда кьуруш зуруй.

СОЦИАЛ ХIАЛЛИХШИННУ ВА ГАРАНТИЯРТТУ:

- бюхьлай бур ччяни кьатри ласун Аьрасатнал Обороналул министрствалул счетрайну накопительно-ипотечный системалихчил;

- кьуллугьрал кьатри дулайссар ягу лаякьатрахлу лахьаву (компенсация) дайссар;

- Аьралуннал медициналул азарханалий укьва ххал увайссар, хьин айссар ва реабилитациялий итайссар;

- Федерал бюджетрал счетрайну оьрмулул ва цIуллу-сагьшиврул страхование дайссар;

- 20 шинайсса кьуллугь бугну махь хIаллихшиндарал (льготная) пенсиялийн уккайссар;

- талатаврил иширттал ветераннал статусгу, мунин хасьсса хIаллихшиннугу ккаккан дайссар;

- Аьрасатнал Федерациялул субъектирдал цал дулайсса ялун ххи дурсса арцу (единые дополнительные выплаты) ва гарантиартту контрактрайну кьуллугь буллалиминнан;

- кредитрал ва налогирттал каникуллу;

- оьрчIру вузирдаву дуклаки буллансса бюджетрал кIанттурду;

- контрактниктуран ябайссар цивппа зий бивкIсса зузи кIанттурду;

- оьрчIру укьва бигьалаган тIайла буккайссар цIуллушиву цIакь дайсса гьинтнил лагердайн.

Аьралуннаву кьуллугь буллан язи бугьайсса кIанттурду зий бур жула цияв шагьрурдай ва районнай.

Дагьусттаннай мукунса кIану: 8(989) 484- 69- 95;  
ДР-лул Военкомат: 8(8722) 68-16-08.





– ЗахИматшивурттахун агъсса, оьрмулун нигъачIаву дусса ишругу хъуссарив?  
– Дяъвилул шартIирдай мукунсса ишру къавхуну къабикIайссар. Пайламур бу-

сан, Чачаннал дазуй буну, ттявх- шявхлил чIурдайну аьдат хьуну ияв, райондалий дяъвилул ишру ккавккун, тукунсса шартIирдайну чансса унугу хIадурну ияв на тихун гьаннин. ИвчIанссара тIисса щахгу бакъая. Инсан цалли ивчIайсса. Я дяъвилул ххулий, я шава. Ал-

лагьнал ци чивчуну буссарив жунма къакIулли. ИкъавчIан тIий шаппа шябивкIун пайда къахунтIиссар. Иш багъний ватан дуруччин аьркиншиву гьарнан бувчIлан аьркинни. Къуняхъайсса миллион совет халкъуннал жанну дуллуну тIийри хIакьину жува сагъну бусса.

Жунмагу аьркинссар ялун на- нисса никиран паракъатсса оьрму къабитан.

– Ци учин ччива жула жагьилтурахъ? Хаснува, ва жулва дяъви бакъар тIутIиминнахъ?  
– Ва жулла хIукуматри, бут- тал къаттар. Ванил мурадру

буручавугу гьарнал буржри. ХIукуматрал буллалисса харжру, пенсияртту, пособияртту ласлай, хIукуматрал буллусса неьматру канай, дяъви жуйнма къабакъайссар тIутIаву къатIайлассар. Ва жула хIукуматрал аьралун- наву къуллугъ буллалиминнан ччиссаксса хIаллихшиннарду дуллай дур. ОьрчIан садкирт- тай, школардай... Институ- тирттавун бухлахийни. Буллай бур ххуйсса харжру, къулайсса аьралий ипотекарду.

Ухьурча Ватандалул мура- дру буручлан хIадурсса, цала карьерагу дан, дугу дурккуну, гихунмай аьралуннаву къул- лугъ буллан ччисса, ттушава шайсса кумаг банна. На нава арцуцIун бавхIусса масъаларт- таху зий ура, связистнугу ура. ЖучIа ччиссаксса вакансияртту дур. Реактивный артиллерия- луву аьркинну бур водитель- тал, автомеханиктал. Ларайс- са кIулшивуртту дусса бу- хьурча, лейтенантьтурал кур- сирдайн гьан бувну, ца-кIива зурува хIаписартал хъанай бур, жагьилсса бухьурча (оь- рмулун 25 шинавун бияннинс- са) аьралуннал дуккавил за- ведениярттаву дуклан гьан буллай бур уква.

Ихтилат бувссар  
Анриана АБДУЛЛАЕВАЛ

МахIачкъалалив, Р. ХIамзатовдул цIанийс- са Национал библиотекалув, хьунни «Жу буссияв аьрай...» тIисса Дагъусттаннал чичултрал-фронтовиктурал произведенияртту цачIун бувсса антологиядул презентация. Шиккун оьвкуну бия луттиравун багъсса чичултрал оьрчIайн, гьан- маччанайн. Лу сакин бувну бур А.Тахо-Годил цIанийсса педагогикалул институтрал зулалтрал. Итабавкъуну бур Дагъусттаннал бакIчинал грантрал кумаграйну.

Мероприятие дачин дурну бия педагогикалул элмурдал кандидат, доцент, Педагогикалул институтрал оьрус мазрал ва литературалул секторданул хьунмур элмийсса зузала, шаэр, публицист Миясат Муслимова. Ихтилатру бунни Педагогикалул институ- трал директор, философиялул элмурдал кандидат Альбина Аруховал, педагогикалул эл- мурдал кандидат, Педагогикалул институтрал оьрус мазрал ва литературалул секторданул хьунмур элмийсса зузала Заира Мадиевал, аьрабнал дуниялун Дагъусттаннал, оьруснал литература маш- гьур дуллалисса Ибрагьим Истанбулил. Лу сакин був- миннахъ дакIнийхтунусса барчаллагъ увкунни Абачара ХIусайнаевлул арнал Камал- лул ва Мирза МахIаммадовлул душнил Жамилял.

Сакиншинначитурал бус- ласимунийн бувну, ва лутти- рая ххуйсса кумаг хьун тIий бур дагъусттаннал литерату- ралул дарсеру дишайсса учи- тельтурангу, литература ахт-

## «Буссияв жу дяъвилый...»



тар дуллалиминнангу, хьун- ними классирттал дуклаки оьрчIангу. Ва ишла бан хьун тIий бур оьрус литература- лул дарсирдайгу, классрал къатIувсса давривугу.

– Ва жужраву цачIун бувну бур Буттал кIанттул цIанийсса Хьунмасса дяъвилый талан къисмат хъусса Дагъусттаннал чичултрал, шаэртурал, жур- налистътурал произведени- яртту. Ва чичрулул ххуттарди- ву яхъусса аьпари. Вай вирт- таврал варистал хIакьинугу

бур тукунма чувшиврий Ва- тандалул мурадру буручлай, тукунма шалагу дуниялун исват буллай билаятрал хал- къуннал цачIушиврул ласай- шиву ххувшавричIансса ххул- лу. Ва лу бур та дяъвилул бар- дултрашалсса хьунабакъаву. Жунма чIалай бур ссал пикри- лий ивкIсарив аьраличу гьу- жумрай ачиннин, ссал рахIат уллай ивкIсарив окопиртта- ву. Луттираву бур окопирт- таву, ккуллардал ккутIари бувсса чагъарданий, буттал

кIанттухсса ччавугу, душман- найнсса ссигу хIала бувххун чивчусса шеърдугу, дуния- ллухъ вирттаварая хьхьичIва- хьхьичI бусан талаталтрашал архIал гьужумрай нанисса аьралий корреспондентъту- рал очеркру ва макъаларт- тугу, дакIнил куртIивумур аьч буллалисса чагъарду ва дневникругу, шинну лар- гун махъ хьумур балглагис- са къиссардавасса парчри- гу. ХIакьинусса къини ва хъан- най бур яла чIявусса чичулт-



фронтовиктал цачIун бувсса из- дание. Шивусса цаппара автор- турал произведенияртту цалчин таржума бувну бур оьрус маз- райн. Жун, лу сакин бувмин- нан, ччай бур зун зула ватан- лувтурал чIурду бавну, дяъви – му зула агьлу-авладрал, шяра- валлил, Дагъусттаннал, шалагу билаятрал тарихрал бутIа бу- шиву бувчIуну. Виртгал сагъ- ссар, жунма дакIний буссаксса, – тIий чивчуну бур луттирал хьхьичIмукъуву.

Царай изданиерттайн був- ну, дяъвилый бивкIсса 180 аза- рунния ливчусса дагъусттанлув- турава 35 чичу ур. Миннава 12 зана къавхуну ур. Хъиривляя- вуртту дурну, ва луттиравун 50- нния ливчусса чичулт, шаэртал багъну бур. Миннавух бур лар- крал чичулт ва шаэртал Апан- ни Къапиев, Минкаил Аьлиев, Ибрагьин-Халил Кьурбанаьли- ев, Абачара ХIусайнаев, Мир- за МахIанмадов, МахIаммад Буттаев, Аьдул Мирзаев, Аба- кар Мудунов, Аьлил Амаев..

Анриана АБДУЛЛАЕВА

## «ЛахІан ан къашайсса Ибрагъим-Халил»

**Гъашину, апрельданул 13-нний 135 шин хъуссар Дагъусттаннай Совет хІукумат дихълай ивкІсса, машгъурсса революционер, шаэр, чичу ва публицист Ибрагъим-Халил Къурбанаълиевлун.**

Ибрагъим-Халил увну ур машгъурсса аьлимчу-аьрабист, ГъунчІукъатІралшяраваллил къади Къурбанаъли кулпатраву. Дуклай ивкІун ур ГъунчІукъатІувсса мизитрачІасса школалий. Революция хъун цаппара шиннардил хъхъичІ диндалул элму лахълай ивкІун ур Шурагъ Дагъусттаннал цІанихсса аьлимчу, динчи, философ, XX-мур аьсрулул дайдихъулий публицистну ивкІсса Аьли Къаяевлуца (Замир Аьли). АьлимчуначІасса Индиянал миллатрал луттирдал мяьна-мурадрал хІайран увсса Ибрагъим-Халиллул хІукму буну бивкІун бур Индиянал культура, багъу-бизу лахъхъин тухун гъансса. Ххуллийн увкун махъ, ванал хъирив багъминнал, ясусшиву дуллау ур тІий, Тавриз шагърулий увгъуну, дуснакъ увну ивкІун ур. Ибрагъим-Халил дуснакъраша ххассал увну ур му хавар ча бавсарив бавсса, та ппурттуву Тавриз шагърулий заргалну зий ивкІсса, цанавагу кІул акъасса оьргъиричунал.

Мунир махъ Ибрагъим-Халил дуклай ивкІун ур Уфа шагърулий Нурулислам тІисса цала уссишал. Шикку ва цалчин кІул хъуну ур революцирдал сиптардашал. Ибрагъим-Халиллул ва ванал дустурал халкъуннал дянив революциялиясса ихтилатру бачин буллау бур тІий, вайннал хъирив багъну бивкІун бур. Вай ишру багъна хъуну, Ибрагъим-Халиллул цала дустурашал Самаралийн учІан багъну бур. Шикку Къурбанаълиев хІала увххун ур Февральданійсса революциялул иширттаву. Яла, Дагъусттаннайн увкІун махъ, Москвавил увкІсса Гъарун Саэдовлул хъунавкъуну, мунашал «Илчи» кказитрал секретарьну ва таржумачину зий ивкІун ур. Му чІумал Ибрагъим-Халиллул лакку маз ва обрус мазрацІун аьраб, турк, татар, ктумукъ ва яруссаннал мазругу кІулну бивкІун бур. Му бакъассагу, ванан ххуйну кІулну диркІун дур аьраб мазрайсса литературагу. «Илчи» кказит лавкъусса чІумал, Къурбанаълиев Курди Закуевлушал «Чанна цІуку» кказитрал редакторну зий ивкІун ур.

Граждан дьявилул шиннардий Ибрагъим-Халил гьуртту хъуну ур Дагъусттаннай Совет власть дихълай бивкІсса дьявилул иширттаву. 1918 шинал май зуруй увххун ур цІуницІакул Гъумучиял округрай хІасул бувсса Дагъусттаннал ревкомрал органдалул Аьралий-революциялул комитетравун. 1919 шинал интту увххун ур Гъази-Гъумучиял округрайсса партизантурал къюкьрал цацІун був штабравун. 1919 шинал гъинттул каялувшиву дуллау ивкІун ур Гъарун Саэдов бакІчисса, революциялул комитетрал мобилизациялул отделданул штабрай. Гъинттул, тара 1919 шинал, Лаваш кІяла къазахънашал талай ивкІун ур. Ибрагъим-Халиллул каялувшиндаралусса партизантурал къюкь-



лул мурахас буну бур Лаваш бувгъуну бивкІсса, революционертал – Гъарун Саэдов, Жамалуттин Къуркъамасов, Султан-Саэд Казбеков ва цаймигу.

ЯхІ бусса, шилчІав хъхъичІник къаришайсса, жард къаувкуну бувгъусса ххуллийх ачайсса, нигъ дакъасса, къянкъасса хасият дусса уну тІий, ванайн гьалмахтурал «лахІан ан къашайсса Ибрагъим-Халил» учайсса бивкІун бур.

Дагъусттаннай Совет хІукумат дирхъуну махъ, 1920 шинал, Ибрагъим-Халил Гъази-Гъумучиял округрайсса РКП (б) комитетрал члену, яла комитетрал председателъну ивкІун ур. Мукуна ва зий ивкІун ур округрайсса аьршарал масъаларттал отделданул хъунаману. 1920-1921 шиннардий зий ивкІун ур «Мискин халкъ» ва «Тархъан Дагъусттан» тІисса лакрал кказитирттал редакторну. Ибрагъим-Халиллул чирчусса макъалартту ришайсса диркІун дур Темир-Хан-Шурагъ итабакълакьисса «ЗахІматчи» тІисса кказитрайгу. Ца ппурттуву му кказит итабакъайсса басмаханалул директор Сердинский Ибрагъим-Халиллуин оьвкуну, гонорар дулуншиврул цалла чирчусса макъаларттал сияхІ дува куну бур. Ибрагъим-Халиллул директорнахъ цІувххуну бур гонорар му цери, куну. Директорнал бувчІин буну бур авторнал чирчусса макъаларттахсса багъа бушиву. Ибрагъим-Халиллул махІатталгу хъуну, жаваб дуллуну дур: «Юх, на ттула захІмат ттула партиялун баххайма акъассара. ЦукунчІав на ми арцу къаласунтІиссар», – куну. Укунсса ивкІун ур Къурбанаълиев арс Ибрагъим-Халил Къурбанаълиев!

Мунир махъ, цаппара шиннардий зий ивкІун ур МахІачкъалалив, цал Дагъус-

ттаннал литературалул ва издательствалул каялувчину, яла Дагъусттаннал Чрезвычайный комитетраву. 1924-1927 шиннардий дуклай ивкІун ур Москвавил ПаччахІлугърал журналистикалул университетраву. Мугу къуртал буну, 1937 шинайн иянинн зий ивкІун ур партиялул къуллугъирттай. Махъва-махъсса Ибрагъим-Халиллул къуллугъ бивкІун бур Республикалул архиврал управлениялийсса каялувшиву. 1934 шинал къамул увну ур СССР-данул Чичултрал союзравун. Ва хъанай ур СССР-данул чичултрал 1-мур съездрал делегат.

1938 шинал цинявпагу къуллугъирттаягу укъан увну, партиялувагу уккан увну, буржуазиялул национализм хъхъичІун ласласисса тахсикарлувнан ккалли увну ивкІун ур. Амма, тахсир бушиву исват бан къабювхъуну, дуснакъраша мурахас увну ур. Вай тІааьн бакъасса иширттацІун бавхІуну Ибрагъим-Халиллул Дагъусттан чІумуйнуса къабитан багъну бур. 1942 шинал июньдалийн иянинн, ца мина дакъа, Кабардалийн, Ставропольлай, Краснодардал крайрай, хІакъину шикку, гъунттий тикку тІий, ялапар хъанай ивкІун ур. Ванал чичурду, макъалартту къаришлансса къадагъагу дирхъуну диркІун дур.

1942 шинал июльдалийн оьрмулул 51 шинаву хушрай лавгун ур Хъун дьявиллий талан. Талай ивкІун ур НовороссийскалучІан ва ГеленджикрачІан гъансса фронтрай. Дьявилила, контузия хъуну, зана ивкІун ур. 1944 шинал сентябрьдалийн демобилизовать увну, та чІумал цала кулпат чІумуйну ялапар хъанай бивкІсса Нальчик шагърулийн увкІун ур. 1956 шинайн биянинн Ибрагъим-Халил халкъуннал душманнан ккаллил уллай,

чувчІав прописать къауллау, даврийн къамул къауллау, къатта къабуллай, азурда увну ивкІун ур.

1956 шинал, Къурбанаълиевлуи бувагу тахсир бакъашиву чІалачІи буну махъ, цІуницІакул СССР-данул Чичултрал союзравунгу къамул увну, ванан ялапар хъунсса къаттагу буллуну, даврийнгу увцуну ур. 1961 шинал цІуницІакул къамул увну ур партиялувун. Ванан союзрал даражалийсса пенсиягу бивхІуну бур. Ибрагъим-Халил дуниялия лавгун ур 1987 шинал, увчуну ур МахІачкъалалив.

Къурбанаълиевлул творчество дур авадансса, мяьна-мурадрал видурцІусса.

Ванал произведенийартта-васса ца яла машгъурму бур 1968 шинал чивчусса, Дагъусттаннай Совет власть дихълай бивкІсса иширттая бусласисса «Зунттал большевиктал» тІисса къисса. Шиву автор аьч дуллау ур Дагъусттаннал цІанихсса революционертурал – Саэд Габиевлул, МахІач Дахадаевлул, Уллубий Буйнакскийл, Жамалуттин Къуркъамасовлул образру. Агъаммур образгу дур 1919 шинал Шахъардал къуманиву Деникиннул аьскарнал аьщун ивзсса революционер Гъарун Саэдовлул кутІасса ва яргну бивтсса оьрмулул ххуллуцІунсса. Повестгъраву хъанакъисса цаппара иширттаву Ибрагъим-Халил Къурбанаълиев цувагу гьуртту хъанай ур.

Гъарун Саэдовлул хас буну чивчуну бур «МахІ ва кІихъ» тІисса ххаллилсса поэмагу.

Ибрагъим-Халил Къурбанаълиевлул дур лакрал миллатрай аьтІий чирчусса «Умуд» тІисса назму.

Аьзизсса буттал улчай,  
Хъурдай тІийна икІара  
Муруллава, ххяллава  
Ца мусил мяьдан буккан!

Мискиншиву саваррай  
Ссивирлив заназисса  
Вай лакрал жагьилтуран  
Тархъаншиврул бутІа бан!

Ибрагъим-Халиллул чичу хІисаврайсса ца хасият дур цала произведенийарттаву хІакъсса, мийжаннугу хъусса иширттая чичаву. Му зат тасттикъ бан ца кІива махъ бусанну ванал 1924 шинал чивчусса «Жабраил» тІисса произведенийлия. Чичул ва хавардану буслай ур уст-тартурашал Аьрасатнал шагърулийн чагуртнал сянат лахъхъин лавгун, зузаврил азурда увну, аьзиятрай оьрму бутлай ивкІсса, ахиргу жагьилинйива оьрмулуца хъусса Жабраил тІисса инсанная. Ва Жабраил мийжаннугу яхъанай ивкІсса инсанни, цувагу ГъунчІукъатІрал шяравасса. Шинну ларгун махъ Жабраиллул ца акъа акъасса арс Амир Амаев дуниялийх ца дурксса, хъунасса аьлимчу, физик-атомщик хъуссар.

Ибрагъим-Халил Къурбанаълиевлуя буслай, кІицІ къабуну битан къахъунссар ванал цала оьрмулувугу, ГъунчІукъатІрал жяматрал оьрмулувугу агъамсса кІану бувгъусса, 1921 шинал январьдалийн хъусса ишру. Най

бунува бусанну, Граждан дьявилул шиннардий ГъунчІукъатІрал шяравалу большевиктурал чулий диркІшиву. ГъунчІукъатІрал аьлимтурал лакрал цайми шархъавусса хъхъичІунсса аьлимтурах къабурувгун, революционертурал чул бувгъуну, жяматравун большевиктурал партиялул бувгъусса ххуллийх бачинсса гъирагъавас бутлай бивкІун бур. Вай иширттан ягрсса эьратну хъуну бур уссурвал Ибрагъим-Халил ва Нурулислам Къурбанаълиевхъул, машгъурсса аьлимчу-аьрабист Къурбанаълиев арсру.

1920 шинал ахирдалийн Граждан дьяви най буна Гъумукун Деникиннул аьралуннал хъирив дуркІун дур Дагъусттаннал личИ-личИсса миллатирттая хІасул хъусса 1700 инсаннайн дирсса Гоцинскийл каялувшиндаралусса контрреволюционертурал къюкьри. Вайнаву хмува кушуй бивкІун бур лакрал шархъавасса инсанталгу. 1921 шинал январьдалийн вай аьрал ГъунчІукъатІрал шяравухчІин ВицІхъиял махІалийсса шархъавун тІайла хъуну най бивкІун бур. ГъунчІукъатІрал жяматран аьрал цала шяравух лагаву къамулну къабивкІун бур, амма, оь эькибутІинссагу чара бакъа, ва масъала бавкъуну дузал бансса пикрирай бивкІун бур.

МуницІун бавхІуну, бавкъуну машвара шашан, икьрал дан тІайла бувккун бур Ибрагъим-Халиллул уссу Нурулислам ва Илияс ОьмахІажиев. Нурулисламлул увкуну бур: «Жу шяраваллил жяматрал маслихат квавккун гъан бунну зухъ, ягу зува бувкІсса ххуллийх махъунмай, ягу шяравух бакъасса, цамур ххуллийх насияра учин». Тайннал рязи къавхъуну, хІукму буну бур гуж-къиялий ГъунчІукъатІрал шяравухчІин бачинсса.

МизитрачІан бувккун, жямат бан-битанмунил пикри буллан бивкІун бур. Цаппара бивкІун бур битанну шяравух гъан, цичІав къахъунссар тІиссагу. Амма Ибрагъим-Халиллул най бунува бувчІин буну бур цукунчІав шяравух къачагътуран ххуллу булун къабучІишиву, ци чулийгу цала тІимур бацІан бан аьркиншиву. ДакІнин буну бур, кІира шинал хъхъичІ полковник Жафаровлул каялувшиндаралусса Деникиннул къюкьрал шяраваллий дишала дишаврийну гъашиву къадурну, Ибрагъим-Халил цувагу хІаласса, ГъунчІукъатІатусса ацІахъул большевиктал дуснакъ буну бивкІшиву. Ибрагъим-Халиллул куну бур: «Так ттул нурчІилул ялтту бакъа ми къагъантІиссар», – куну. Мукуна къамул буну бур шяравалу дурччинсса хІукму.

Къурбанаълиевлул укунсса оьвчаву дурну дур шяраваллил жяматрайн:

ЧІал къавхъуну къачагътурал къюкьри шяраваллил лагмарургуну, гъарица чулуха битлан бивкІун бур. Къачагътурал къюкьрайн данди бавцІусса ГъунчІукъатІрал жяматрай каялувшиву дуллау ивкІун ур та ппурттуву 30 шиннарагу хъун дурасса Ибрагъим-Халил Къурбанаълиев. Шяравалу душманная дурччин захІмат хъанай бивкІун бур та ппурттуву чІявуми ГъунчІукъатІрал





чиваркI кьатIушав бивкIун тIий. Душманнай данди бивкIун бур ГьунчIукьатIрал шяравасса 100 адамина, миннавагу цаппара оьрмулуд бугьарасса, ва Ххиюлусматусса МахIаммад Касаев бакIчисса 40 партизан усса кьюкья.

Шяраваллийх кьини дурксса захIматсса чIунну дакIнин дичлай, Ибрагьим-Халил чичлай ур, цайна Цахьаравсса кавалериялул полклар штабрайн оьвтIий бивкIшиву. Январьданул 3-нний хьхьувай Ибрагьим-Халил Салман Сулаймановлул лавгун ур Цахьарав. 1700 инсан усса кьачагьтурал кьюкья нигьа бивсун, я кавалериялул кьюкья, я Кьара Кьараевлул каялувшиндаралусса революционертурал кьюкья кьадуркIун дур ГьунчIукьатIран кумагран.

БувчIлай бур цуксса захIматсса тагьарданийн багьну бивкIсарив та ппурттуву ГьунчIукьатIрал жямат. Шяраваллий лагма рургьусса кьачагьтал бивкIун бур мугьлат бакьа канийн бучIияра, акьахьурчан хьус-кьинигу зерххуну, циньявпа арамурау зуму банну тIий.

Бюхьайва, Гоцинскийл кьюкьри гьужум бивну шяравун хьярхьсаня кьахьунмур хьунгу. Аммарив кьачагьтал кьасивсуну бур гьужум бивну шяравун хьяххан.

Шанма гьантлий най диркIун дур оьсса талатаву. Лагма рургьусса шяраву, душманнай кьанкьану данди бавчIуну бивкIун бур ГьунчIукьатIрал чиваркI ва МахIаммад Касаевлул кьюкья. Талатиминнан дуки-хIачIия ларсун букIлай, ярагьансав ххилай, цIунцIияртту хьминнал шавурду дахIлай бивкIун бур душру, хьами ва оьрчIру.

Ххуйну дакIний бур 70-ку шиннардий ттула ниттил ниттил буслай, цила буттауссийн шаву дирну, му дахIин хьхьувай шавай увкIун ивкIсса. Шавугу даркIуну, дукралия чансса бисмиллагьу бивну, анавархьиндарай махьуннай лавгун ур: «Душмантал ххит буккан кьабувсаксса, игьакь-алаганссара», – тIий. Ахиргу, шанма гьантлул мутталийсса талатавриву ливтIу-бившуссагу хьуну, ГьунчIукьатIрал яхI ва лакьаханшиву бувчIусса Нажмуттин Гоцинскийл кьюкьри махьуннай хьуну, лихьа дуркун дур.

Мьялумссаят бур Кьара Кьараевлул ГьунчIукьатIи ххассал

бан кIисса кIиссурайх кьабившувиву. Му цала кьюкьлушлал, талатаву кьуртал хьунцIа, ялугьлай ивкIун ур ГьунчIукьатIрая 6-7 километралул манзилданий Кумиял гьарахьалттичIа. ГьунчIукьатIату Гоцинскийл аьрал лихьа бивксса баяйхту, Кьара тIайлана Гьумукун лавгун, Шурагьун телеграфрай баян бивну бур, Н. Гоцинскийл кьюкьригу ххит дуккан дурну, Лакку билаятрая лихьан дуршиву. Амма, махьату Ибрагьим-Халил Кьурбанаьлиевлул Кьараев мукIру увну ур Гоцинскийл аьралуннашлал ГьунчIукьатIрал талатавриву гьуртту хьанай кьавивкIшиврий.

1923 шинал майрал 26-нний, СССР-данул Реввоенсоветрал бувсса 76-мур хIукмулийн бивну, ГьунчIукьатIрал шяраваллин «Благодарность в борьбе с мятежом Гоцинского» тIисса Барчаллагьрал чагьар булуссар. 1917–1921 шиннардий Дагьустаннай Совет власть дишаврил цанийсса талатавриву хьхьичIун личаврихлу ГьунчIукьатIран РСФСР-данул ВЦИК-рал ХIурматрал грамота дулуссар. ХIакьинусса кьинигу шяраву ва грамоталул копия хьхьуну буссар. Тай гражд-

дан дяввилул шиннардийсса ишру саванну, Дагьустаннай Совет власть дихьлай чялишну гьуртту хьанай диркIсса 14 шяраваллал сияхIравун духлай дур ГьунчIукьатIрал шяравалугу. Мунхлуну Совет Союзрал заманнай ГьунчIукьатIрал шяраваллийх ххишаласса кашихтиярду диркIссар, электроэнергияла тIайла хьуну, цаймигу хIаллихшиннардал багьри Дагьустаннал вайми шархьавуньяр кIилинну кьюкьуну бивкIссар.

Кьурбанаьлиевлул, хасьсса пенсионер хIисаврай, шардай ларсун бучIайсса бивкIссар личи-личисса кьай-кьуй. Вай кьамул даннин, Ибрагьим-Халиллул мудангу цIуххайсса бивкIун бур: «Пулансса инсанначIан газрал баллон диян дардув, та пуланначIан даруртту лавсун лавгун?»», – тIий. Мукунма цаймигу иширттал ялув цIухху-бусу байсса бивкIун бур. Цайминнал кьайгьурду дузал бувшиврий дакI даркIуну махь кьамул дайсса диркIун дур цанна дагьаймур.

Ибрагьим-Халил уттушайсса ивкIун ур кроватьрайсса сеткалун кIанттай тахтарду дирхьуну, гайннуйн кIюласса виргьангу руртун.

МахIачкьалалив цанма кьатта булдукун, ГьунчIукьатIувсса кьатри дулуну дур шяраваллий советран ишла дан. Циван дуллай ура вила кьатри советран куну цIувххукун: «ХIукуматрал ттун МахIачкьалалив укра кьатри дулуннихха, нагу ттулла кьатри укра дуллай ура», – тIий ивкIун ур. Шяравусса ванал кьатри гьарта-гьарзасса, цирдагу ххуйсса кIанттай дирхьусса диркIссар. Ттун ххуйну дакIний бур вай кьатраву 80-ку шиннардил дянивун бияннин интернат буссия. Шикку лагма-ялттуса шархьавасса 40-ннийн бивсса оьрчIру-душру яхьанай буссия.

Оьрмулуд угьара хьусса чIумалгума (оьрмулуд 96-шинаву лавгссар ва дунияллий) дукра цува дуллан икIайва. ЦацIанма мацчагьанми бивкIун, дукра дан, ягу тахIни-кIичIу шошин кумаг буллан бивкIукун, ихтияр кьадудайва. «Зу ттун кумаг буллай, яла на аьдат хьуну, курчIил хьанантIиссара», – учайсса бивкIун бур.

Укунсса ия Граждан дяввилул революциялул, Хьун дяввилул бурттуци Ибрагьим-Халил Кьурбанаьлиев.

**Зиябуттин ХIАЖИМИРЗАЕВ, Дагьустаннал лайкь хьусса строитель**

**Вай гьантрай оьрмулуд 80 шинал юбилей кIицI ларгунни, ххалилсса учитель, тарбиячи, спортсмен учирчагу кьабьякьинссара (ванал 50-хьайсса шинну дурну дур физкультуралул дарсру дихьлай), Маллаев Муса Рамазанлул арснал.**

Муса ур СунбатIуллал шяравасса, республикалийгу, райондалийгу ххуйну кIулну бивкIсса цанийсса уссал устартал Маллаевхьал агьлу-авладраясса. Ххюва ссийл ца уссу. Маллаевхьул уссал устартурал сянатрахун багьаннинсса хьхьичIумур ник мухал ххуллул пишкартал бивкIун бур. Мусалив язи бувгуну бур оьрчIан тарбия ва кIулшивуртту дулаврил ххуллу ва 50-нния дирчусса шиннардий цала пишалул ххуллий бивхьуну бур хьунмасса захIмат. Педагог-тарбиячинал ххуллий лавгун бур ванал шанма ссугу. Утти Маллаевхьал агьлудануву шаннагу сфералул лавайсса даражалул пишкартал бур.

– Ттун цIа дирзсса буттауссу Муса ивкIун ур аьрабрай дуркксса, халкьуннан бусравсса адамина. Совет власть дирхьусса чIумал, аьрза бивну 4-5 оьрчIал ялату ссивир увну, занна кьавхьуссар.

Малла тIисса ттул ттатта пачахIнал заманнай зий ивкIун ур мухал ххуллий. Дагьустаннай мухал ххуллул цалчинсса пишкартал СунбатIуллал шяравар бувксса. Ттул ппу Рамазан оьрмулуд чIивисса уну, мухал ххуллий пачахIлугьрал кьуллугьрай ацIан ан кьахьанай, ттул ттаттан пикри хьуну бур га сянат лахьхьин уссал устарначIан гьан ан. Муньяр шихунмай Маллаевхьул усру дурухлай, цала производство дачин дурну, иш бавчуну бивкIун бур. Цалчинсса дунияллул дявви нанисса чIумал Владикавказрай Маллаевхьал бивкIун бур усру дурххайсса хьунмасса цех. Шагьрулий хIаписартурал госпиталь буну, вайннал усру, хаснура аьралийтуранми, хьинну тIалавну диркIун дур. Аьралуннансса усру кьадириллай, царай усру оьлил багьлий дикIайсса диркIун дур. ХIаписартурансса чакмардури –

## Бусравну бивтсса оьрму



Муса ва Лайли (дянив) оьрчIашал. Куях - Рамазан, урчIах Изагура ва Гьарун

балчаннул багьлий. Совет властьрал чIумал кулактурал ккалли бивну, цимурца зерххувкун, ттаттагу, ванал уссурвалгу занна хьуну бур Лаккуй. НЭП-рал чIумал цавай Бакуй, цавай Дарбантлив зий бивкIун бур цала касмулий. Маллаевхьул мукунма зий бивкIссар Ваччавсса Сталиннул цанийсса артельданийгу. Ва касмулусса гьира оьтту-ттурчIавух булуну бухьунсар, ттул арсругу уссахун багьунни. Ттул буттал цIа дирзсса хьунама арснал Рамазанлул буссар МахIачкьалалив «Маллаев» тIисса уссал фабрика. ЧIивима арс МахIаммадгу ваначIа зий ур. Экономистнал ва юристнал кIулшивуртту ларьсса унугу, мархрал оьвкуну, шиккун кIункIу хьунни. Дянивма арснал Гьарунлул цала цех буссар, – буслай ур Муса цала ттатта хьая ва миннал ххуллий лавгсса арсурвавра.

Цува Муса я мухал ххуллул пишкар кьавхьуну, я усру дурххаврил касму кьадургьуну, цамур ххуллий лавгун ур. Миннуяргу кьачанну бусравсса ва сийлийсса. СунбатIуллал школагу кьуртал бивну, ва увххун ур Дагьустаннал педагогикалул институтравун. Школалий дуклаканийва спортрал итхьявхьсса,

физкультуралул дарсру ххирасса Мусал физкультуралул факультет язи бувгуну бур. 1969-ку шинал мугу кьуртал бивну, увкIун ур зун Огнилийсса 2-мур школалийн. Ца шинава лавгун ур аьралий бурж лахьан. Занна хьуну махь ца шинайсса кIава школалийгу зий ивкIун, 1972-ку шинал увкIун ур МахIачкьалалал 1-мур школалийн. ХхюцIалунния лирчусса шиннардий ва школалий физкультуралул дарсру дихьлай, Мусал хьунмасса захIмат бивну бур оьрчIан спортрах гьира бутан, вайннав му чулухунмайсса гьунар ялун личин бан. Дарсирдацун дачин дурну ивкIун ур физкультуралул кружокругу. Ва ивкIун ур ОьрчIал ва чIава жагьилтурал спортрал школалул тренеругу. Цува зузисса шиннардий ванал спортраху гьан бивну бур сайки цинья дуклаки оьрчIру. Муса Рамазанович зузисса шиннардий ванал хIадур бувсса МахIачкьалалал 1-мур гимназиялул дуклаки оьрчIал мунан хьхьичIунсса кIанттурду бугьайсса бивкIун бур шагьрулул, республикалул даражаллийсса спортрал бястччалаву, спартакиадарттай. ОьрчIан кIулшивуртту дулаврил, ми тарбия баврил ххуллий бив-

хьусса захIматрахлу лайкь хьуну ур Дагьустаннал кIулшивуртту дулаврил, Спортрал министерстварттал, шагьрулул администрациялул ва цаймигу идарарттал чулухасса чIярусса наградарттан: хIурматрал грамотарттан, барчаллагьрал чагьардан, дипломирттан. Муса Рамазанович ур Дагьустаннал кIулшивуртту дулаврил отличник, Аьрасатнал аьмсса кIулшивуртту дулаврил хIурматлувсса зузала. МахIачкьала шагьрулул 150 шин шаврицIун бавхIуну, танийсса мэр Саид Амировлул бахшиш дурну дур ванан цIа кусса ссят. Школалул коллективрачIа ва дуклаки оьрчIачIа ванал хIурмат хьунмасса бивкIун бур. Муса ур ЗахIматрал ветеран.

Чув-адаминан цумурцагу лахьазан лахьан, гьаз хьун бигьазар, агана ттиликIрах дакI тIайласса, вихшала дусса хьамитайпа бухьурча. Мусан му чулухагу тIайлабацIу хьуну бур. Цийшатусса бакIралгу, дакIнилгу ххуйсса, бюхьубажаргу бусса Лайлия ванан дакI тIайласса оьрмулуд дусгу, гьарица иширавусса кумагчи-гу хьуну бур. Лайлигу циламур даврий хьхьичIунсса пишкар бивкIун бур. Зувиллий ххюра ши-

най ЖБИ-рал (железо-бетонных изделий) заводрай зий, мунан жаваблусса кьуллугьирттай бивкIун бур. Мастерная тIайла хьуну, личи-личисса цехирдал каялувчинан бияннин. Ва бур Дагьустаннал лайкь хьусса строитель. Иминсса, нахIу-хIалимсса Лайли ккавкнал шилчIав кьаучинссар ва му сфералулу зузисса инсанни куну. Даврий хьуннасса хьар лархьун бунугу, ласнахьсса, оьрчIахьсса аякьагу хьисрагу чан хьун кьабацIуну бур. Мусал ва Лайли оьрмулувусса яла бюхттулмур лахьазаннив цамур дур. Вайннал ххуйсса тарбиягу дулуну, оьрмулуд ххуллийн бивчуну бур ххюва оьрчI. Шамагу арс мархрая, буттал бутта хьая нанисса пиша цIу буккан бивну, уссал фабрика тIивтIуну зий бур. «Маллаев» тIисса вайннал фабрикалий дулалисса усру агьалиначIа тIалавну дур.

Мусал ва Лайлилу душру Изаза ва Изагурагу цала-цала давурттай тIалавсса, хIурматрайсса пишкартал бур. Изаза зий бур шагьрулул 2-мур азарханалий, неврологиялул отделениялул хьунмурну. Кьашайшалтрал ва даврил уртактурал дянив вания ххуйсса цIа дикIай. Ва Дагьустаннал лайкь хьусса хIакинни. Изагура зий бур Пенсионный фондрай. Ва бур Дагьустаннал социал сфералул лайкь хьусса зузала. Яла-яла, цинья оьрчIру бур цала нитти-буттал хIурмат бусса, миннал лавай бавчIусса.


Нитти-буттал захIмат дузрайн бувкшиврун ккалихьунсар оьрчIру тIайлабавчIусса бухьурча. Учин бюхьанссар, Мусал ва Лайли захIматту дузрайн бувкун бур куну. ХIакьину ва бавкьусса, цаннан ца бувчIачIисса, куннал хIурмат кунначIа бусса кулпат циньявпа лагма лавгун, лахьахьуну кIицI дуллай бур ххирасса буттал, ттаттал юбилей.

Жугу барча тIий буру Муса Рамазановичлухь увсса кьини. Цуллушиву дулуннав, уттиния тихунайгу оьрчIалгу, миннал оьрчIалгу ххари уллай итаннав.

**Андрiana АьБДУЛЛАЕВА**



Адабиятфал  
лаҳин



**МАХАММАД ШЕКБИЕВ**

## Агъ, ттул лакрал зунттурдув

Агъ, ттул лакрал зунттурдув,  
Ца ххирархха ттун зул сий,  
Ттабиат бартбисулий  
Урттул шюллисса мусий.

Ххирар баякъу шарашив,  
Щин ласласисса душру,  
Дарардай пахъ багъ шавшив,  
Ххюгалу яттикъушру.

Агъ, ххирар, гъарзат ххирар –  
Инсан, оърму, ттабиат,  
Халкъуннал магъа, хавар,  
Къужрал бусай насихат.

## Шаэраясса пикри

Юсуп Хатпалаевлун

Уртту ва ттуттив къакълай,  
Аърши къурагъсса шинал  
Щуттурлу макIра ккарккун,  
ДакI тяхъану чантI куна.  
МахIрумса, кIирисса дакI  
Дюхлулсса гъарал шинал  
Къадагълай, шунил вях тIий,  
Балайрадин оьвти дунни.  
Къуннал чул дакIнин бутлай,  
Архний хъхъири ххал хъунни.  
Я жамиллий, я къирий  
Мудан ина уссара.  
Юх, юх, та хъхъири бакъар,  
Та хъхъирий чIалачIими,  
Танийсса шюлли шатлив  
Вил шугълурду, инара.  
Шад интнил жалинчIелму  
ЧIавахъулттилу бацIлай,  
Чаннал нур диртун дакIнийх,  
Лавкъусса къупру хъа чай.  
Ина луркIан дуvara,  
Ба бугъантIий, лув ацIлай,  
Лачин янила леххай,  
Вин хIайрансса маз личIай.  
Агъ, шаэр, вил пикрирдал  
Дазу чуври? Душив му?  
Бургъилух ларчIсса гъарал  
Бухъунссар ми шеърирду.  
Бюхттулсса яг макъанну  
КъюлтI хъуну дур вил зумув.  
Мюршисса шарашая  
Хъухъунссар куртI хъхъирирду.  
Хияллу, хъару хъуну,  
Зунттайх левххун лавгунни,  
ПасихIшиву даиман  
КуртI дакIниву къадиртун.  
Чурххаву бусса къуват  
Бутгал кIанттун хас хъунни,  
Магъишиврул вягдалийн  
Дирну дур, шаэр, вил чIун.

## Нанисса интния

Февраль зурул марххала  
Март бучIайхту бассаннав,  
Щюлли инт, вийн чарххана  
Ва ттул дакIнилгу баннав.

## Юбилейран хасну

# «Агъ, ттул лакрал зунттурдув»

Ватан авадан хъуну,  
Халкъ булугърай личIаннав.  
Ччаврил дакIру дурцIуну,  
ТалихIрал гъили баннав.

Хъуни занчру бавссуну,  
Дяркъу, марч къабагъаннав,  
Неххайсса микI ссувссуну,  
Щин ххюлуву пар тIуннав.

Къурукъирттал чарванну  
Ухсавнийннай лехханнав,  
Ххяххабургъил туранну  
Зунттурдайх экъигъаннав.

\*\*\*

Баяй ттун уттигу  
Арх шюлли къурнил  
Дюхлахи макъан.  
Агъ, ца ччивахха,  
Га пасихI чIунил  
Такъвалуви оькъан!  
Ришай ттун мудан  
Щюлли маршурдил  
Оьрчи тIутIал къанкъ.  
Агъ, ца ччивахха –  
Му хъулли дакIнил –  
Зу – халкъ, на – зул къанкъ!

\*\*\*

Агъ, хъинни зунттайн гъан,  
Варсигу лавххун,  
ХIухчил ххункIру канан,  
Лаччигу баяххун.  
Хъхъу дучIайх къувтIилух  
Язи ку шахълай –  
ЩябикIан, вичIилий  
Хъун хIухчил магълух.  
Баламантру бишлай  
Хъхъу гъан дан къушлий,  
Чанна цIуртти буклай,  
КIюрх хъунадакъин.  
Яла, баргъ бургайхту  
Щюлли бизанттайх,  
Ятту итабакъин  
Пар тIисса хъхъемайх.

\*\*\*

Гъар мудан личIаннав някIсса ссав  
Оьрму оьзи пурх тIий, оьрчIшиврул  
Чувшиву чурххаву гъакъагъай махна,  
Жагъилшивгу мудан талихIрайн вихна!

## КъабикIу

КъабикIу, матIра ттухъ  
КIинтнил дякъия!  
Ттун чай бур гъалгъа тIун  
Щюлли хъхъирия,  
Мусил оьрчIшиврия,  
Чанна ччаврия,  
Ччай дур хъхъирил лагма  
ТтутIал хIашия.

КъабикIу, матIра ттухъ  
Ссутнил мурчая!  
ДакI аьчух дуваймур  
Гъилисса гъия.  
Ттун чай бур гъалгъа бан  
Ххяххабургъия,  
Хиял гуркку буллай,  
ЛарчIсса гъарая.

КъабикIу, матIра ттухъ  
Хъунав шаврия!  
Ттун чай бур гъалгъа тIун  
Жагъилшиврия,  
ЦIусса дуняллул  
ЦIу оьрмулия,  
Щурттайн лехлахисса  
Жула читIрая.

\*\*\*

Къуннал кIири авлахърайн  
Нажагъ аьрххи багъарча,

Ларсун гъакъагъай аьсав,  
Гъанна лахъи ххуллурдайх.

Оьрмулув та-бунугу  
Щими чIа тIун багъарча,  
Шярайхуккуйл ххуржинттав  
Къирият лаританна.

Баргъ кIири був къуннавух  
Зул хъулухун учIанна,  
Мякълилнай щими хъуну,  
Щин къадулайрив ккаккан.

Я кIинтнил замгъардавух  
Зул хъулийн къутI учинна,  
Аьвкъунай щими хъуну,  
Гъили къаарав ккаккан.

\*\*\*

ДакIнил куртI хияллай магълул дув сурат,  
Чичлан икIара на, вил цIа бавукун.  
Агар ттул талихIран бухъурча къисмат,  
Бухъхъу ина ттучIан, ттул чIу бавукун.

Бухъхъу, жува хъунну гъавалул читIулт,  
Ссавнил някIшивруву кIяла ттуруллив.  
Бухъхъу, жува хъунну цIурттачIан леххулт,  
Бургъил дуняллий къюлтIмур кIул бувулт!

\*\*\*

Хъамакъабитай ттун  
КIяласса гъухъа,  
Вий лавххун ккаккайсса  
Ахтгакъун чIумал.  
Хъамакъабитай ттун  
Ранг мусил нехъа,  
ЛавIан буллалисса  
Гъарал ва мурчал.  
Хъамадитайссарив  
Гай интнил хъхъурду,  
Ялугълай гъан дайсса  
Пар тIисса цIурттах?  
Хъамабитайссарив,  
Дус, вил балайрду,  
Шанаши увайсса  
ТалихIрал къерттай?

\*\*\*

Мурчал шютI, мурхъирдал хъхъев –  
Ттуруллаву къурукъирттал вев –  
Барз кIялахлай бахълавгун бур –  
Агъ, ссутнил чIун, ссут дуркIун дур –  
Жалинт, зихлай лахъи хIаллурду –  
ХъатIив буллай, арх ххуллурду –

## ЩуцIаву

Чув ина бунугу,  
Вил чIу ттун баяй,  
Цаманан хъунугу,  
ДакIнил аьй къадай.  
КIюрххил урша лавсун  
Щинав бувккун,  
ЦуцIуйх ччанну цIавцIун  
ХъхъичIун увккун –  
Вил симан ттун ххал шай,  
Хиял рахIат шай,  
Гъар му ттун учара,  
На микIлачIара,  
Ассара,  
АвцIара,  
ЩавцIара,  
Аькъара.....

Амма къаучара  
Вихъ цавагу махъ.  
Аьсарив на ахIмакъ?  
БуцIин бувну урша,  
Ттух къабурувгна,  
Лагара махъунмай,  
Лагъну балай тIий.  
Ттулмур хиял къакъай,

Хъирив ялугълай,  
Яруми – жиндралну  
Урхълух буруглай,  
Сситтуву хIалалну  
ЧчатI букан къашай.  
Вил хъазам цаманал  
Каруннайн багъай.  
Ккавккун ттун къаччинал  
Вил кару дугъай, –  
На микIлачIара,  
Ассара,  
АвцIара,  
ЩавцIара,  
Аькъара...  
Амма къаучара  
Вихъ цавагу махъ.  
Аьсаривла на ахIмакъ?

## Чиви оьрчIал хияллу

Аман, инт дучIавивав,  
Къув-аьс та учививав,  
Щинал бядавух занан,  
Гъарах вичIилий шанан?

Ссав чIурдал дуцIививав,  
ЧитIулт зана хъувивав,  
Баргъ зунттухату личлай,  
Мюрш бягъли тIутIайх бичлан?

Нех зунттавату дурккун,  
КуртI къакъарду давивав,  
Жул илтIа хъусса ттуккун  
ЯтIул бюрув хъувивав?

## Аьй

Марч бишлай, дяркъу хъанай.  
КIяла марххала гъанай,  
Нава вил хъирив занай,  
Вил дакI ттул ччаврин шанай.

Зул тIювай яргсса чани,  
Вил хъхъичI пар тIий дагъани.  
Нама кIинтнил дякъиву...  
Ваппабай, вил оьшиву!

## Буссия

Буссия, душ буссия,  
Ччайгу ттун га буссия,  
Чурх чIахIлуха лавхъусса,  
КIиз – мусил симилуха.

Нясив къабувссар ттун га,  
Ганил нину обссия,  
ЦуцIав къачIалачIисса  
Цила къукъухъхъилуха.

На саллатIну ивкIссара,  
Га бивкIссар ттух ялугълай.  
Барз лавгссар, кIива лавгссар,  
Хъамаивтссара яла.

Шин шайхту, цайми лавгссар  
Душ була учин мугъий:  
«КIира шин ца шин дакъар»  
ТIисса учала буслай.

Шинну ларгри, лавхъун бурж,  
Шяравун зана хъура,  
На зана шайх, бувцума  
На куна лавгун ия.

ТамахIкар шилчIав ччаврих,  
Авара хъунни, мара,  
Лавмарт душнил дакIнивнгу  
Агъ, дагъну дур ца къия.

Амма чув га бунугу,  
Хиял ганичIан леххай,  
Так га ккаккан уккара  
На гъарца къини ккурчIав.

Нажагъ чIарах буккарча  
– Цукун бура?, - итххяххай.  
Вирмакъ итгав дацIай,  
Кувкун, лавгссияв щинав.

Лажин хIадур дурссар  
Р. БАШАЕВЛУЛ



## Жижара



### ХИУСМАННУЛ АРС ХИУСМАНОВ МУРТАЗААБЛИ

Уттигъанну Къизилюртлив аьпалухъун лавгунни, бусса оьрмулийва шаьгрулий жаваблусса къуллугъирттай зий ивкИсса ххаллисса лаккучу, КИувурдал шяравасса ХИусманов Муртазаабли ХИусманнул арс.

Увну ур Муртазаабли 1944-ку шинал КИувурдал шяраву. Гьумук школагу къуртал бувну, увхун ур МахIачкъалаливсса Строительный техникумравун. 1962-ку шинал къуртал бувну, техник-строительнал пиша лавсун бур. Шамилчинмур курсирава Муртазаабли тIайла увкун ур Избербашлив хьунама архитекторну. Хьунма хIал къавхьуну, миччагу хьунама архитекторну Къизилюртлив гъан увну ур. Муртазаабли хьуну ур Къизилюрт шаьрулий цалчинсса хьунама архитектор. Мичча лавгун ур ва аьралуннаву къуллугъ бан. Зана хьуну махъ зун ивкIун ур ДСК-лул (домостроительный комбинат) производвалул ва техникалул отделданул хьунаману. Муртазаабли къуртал бувну бур Даьгусттаннал политехнический институт ва Москвауллал архитектурный институт.

ДСК-лия ва увцуну ур Муххал ва бетондалул къайлул (ЖБИ) заводрал директорну. Цала даву ххуйну кIулсса, жаваблусса Муртазаабли гьар кIанай тIалавну ва бусравну ивкIун ур.

Цаппара шиннарди ивкIун ур шамарал ва ххулул карьерданул генеральный директорнал хьиривчуну, мунир махъ 9-мур ПМК-лул хьунаману. Махъсса шиннарди уссия цамур карьерданий генеральный директорнал хьиривчуну.

Муртазаабли ия лавайсса даражалул пишакар, жаваблусса каялувчи.

ХIал бавкъусса, дакI-аьмал хьинсса инсан. ХIурматрай икIайва архIал зузиминначIа.

Муртазаабли аьпалул шаврил къурчIишивугу кIидачIлай, жижара булай буру кулпатрахъ, оьрчIахъ, уссур-ссуннахъ, махъсса гъанчунахъ. Имандалил лавгун хьуннав, рухI алжаннул ххари даннав, махънал оьрмурдай барачат бишиннав.

КИувурдал жямат

### Баян

«Илчилий» бишлашисса жижараттал текстур буссар укунсса баьрал лаьрулий:

укунмасса жижара – 400 кь. суратрашалсса некролог – 1000 кь.

# Табиаьтращал ччалан къашайссар

**Мартрал ахирданий ва Мапрельданул дайдихъулий Даьгусттаннал къанийн гьараллу лачIлай, зунттавун мархалтту булай, жунма чIавусса зараллу хьунни. Инсантурал хасият мукунсса дурхха, цал цивппа цизун аьркинссарив пикри къабувну, яла апатIру хьанан бикIайхту: «Аьллай бавай!» тIун бикIай.**

Учала бур дуниял цалла лагма гъанагьи къадуллай, ганил лагма инсан цува гъанан аьркинссар» тIисса. На мукьцIалла шин дурссар Дарбантлив яхъанай. Махъсса ацIния кIира шин хьунни ттула буттал шяраву Вихълив яхъанай.

Дарбантлия МахIачкъалал чулийнай машиналий нанисса чIумал, Манасрал мукьбачIулийн биллалисса кIанай дуссар Манас-Озен тIисса, зунттавату нанисса нех. Гикку га неххал ялттугу буссар лахъисса ламу. Га неххал неххамачI бусса кIанугу буссар хьинну куртIсса, духьунсар ххюцIалла метралул аьршарая яларайну. БакIрайра га

неххамачIух цукунчIавсса къатри къадикIайва. Яла цакуну гикку, ламул дултту чулий, хьуна шаллусса шяравалу. Циванни пикри къабувну бивкIсса Манасрал поселокрал бакIчитурал, циванни инсантурал «къатIа бизан» бивтун бивкIсса? Му ишгу га ххуллийх машиналий нанийни ттул кIулшилуща лаласун къашайва.

На МахIачкъалал шяралваллил техникумраву гидро-мелиорациялул касму лахълай, дуклакисса чIумал, жул группа бувцуна МахIачкъалал киблалул чулийсса Тарки-Тау зунттул къабакIравун экскурсиялий. Га дия 1967-ку шин. Жаьгилсса, дахъа зунттавагу увкIсса ттунгума кIа зунттул ялувсса ишру махIаттал бивзуна. КIий дия, зунттул къабакIрава чартту бу-клай, хьинну куртIсса видаьгьру. На ттухъва нава уссияв: «Гъай, аман, ва иш укун циван буривав, зунттул ухнилусса шаьгрудувун нансархха ший дацIлацIисса шин», – тIий. Жунма кIулли куртIну мархри итабакъайсса

мурхьирдал дугъайшиву зунхисса аьршив. Яла вава зунттул ххинчурдай дуллан бивкIуна къатри. Вай дуллайинигу бульдозердал къадурсса аьршаравух яларайгу дачайссархха шин. Цаппара шиннардил хьхьичI зун бавхьунссия, Дарбантул-лал баргълагавал чулийх ялавай бувккун бивкIшиву шинал мугъали. На нава лавгссияв га иширах ябитан. Ххал дарча, мугъали бувксса къакъалуяр ларай, зунттул ххинчурдая нанисса шин дачайсса къакъалул дянивгу, лагмарагу дия къатри дурну. Туну, яла, шинангу аьркинъяхха ххуллу ласун. Ххуллугу лавсун бия, шаьгругу къаркъарал ва чарттал лув личIан бувну бия.

Вихълияту Ваччав нанисса чIумал, ттул янилун баьгай-ва Хьуннеххал неххамачIув Хьюйнал шяралваллил инсантурал къатри дурну. Къакъа дусса, ратI дусса, нех дусса кIантгайту архну дуван къааьркинссарив къатри? Амма жула архитектортал ва экологтал му иширал ялув бацIлай бакъар. Жунма кIулли

школалий дуклакыйнива Каспий хьхьири 26-28 метралул океаннаяр ялавайну бушиву. Амма ганил зумардайх дурну дур цикссагу къатри. ЦIуссалакран райондалун цIуну дуллусса аьрши дур хьхьиряр дурагу ца-кIира метралул лахъну. Муниятур гай аьршив гьараллу чIяру шайхту, марххалтту ххисса бувайхту, шиналу личIлацIисса. Му ишгу цила чIумал, га аьрши район дуван ккаккан дурсса чIумал, экологтурал цала пикри къабуссун бивкIшиврун ккалли буван бучIину бур. На шинацIун дархIусса касмулий зий дурссар, дурусну 25 шин. Мукунсса даврий зий ивкIун тIий ттун 55 шинаву бивхьуна пенсиягу. Мунияту ттунма шинацIун ва экологиялуцIун бавхIусса ишру мадарану кIулшиврун ккаллину икIара.

Табиаьтращал талан къашайссар жушова. Ганишал дусшиврий бикIан аьркинссару.

**ХIажимурад ХИУСАЙНОВ,**  
ш. Вихъул

# Хъяврин хьуну къаличIаншиврул

**ЦIуну дуллалисса чIяву-квартирартту бусса къатраву квартира ласунсса пикри бусса гьарца инсанан аьркинссар цала арцу мюхчан дувансса давуртту бартдигьин.**

### ЦУКУН ХХАЛ УВАН АЬРКИНССАР ЗАСТРОЙЩИК?

Застройщик цу уссарив кIул аншиврул аьркинссар кIул дуван къатри дуллалиманал идаралул балжисса цIа ва ИНН (налогу дулайманал идентификациялул номер) ягу ОГРН (основной государственный регистрационный номер).

«Прозрачный бизнес» тIисса сервисрал кумаграйну Федерал Налогирттал къуллугърал сайтрай кIул бан хьунтIиссар балжисса налогу дулайманал хIакъиравусса информация, тикку буссар цу уссарив генеральный директор, цуксса дуссарив уставной капитал, сакиншиндарал балжисса цIа ва цаймигу затру.

З а с т р о й щ и к н а я т у с с а информация балжи бан хьунтIиссар <https://наш.дом.рф>. порталданий, ваний буссар застройщикнацIунсса яла шаллумур ва агьаммур информация.

Застройщик гьурттусса судрал ишру хьуну бивкIшивриясса информация ххал бан бюхъантIиссар арбитражрал иширттал картотекалий судирттал официал сайтрай.

Даьгусттаннал Минстройрал сайтрай дуссар «светофор-



данул» принцип ишла дурсса чIявуквартирартту бусса къатрал реестр, микку буссар кIива зона – шюллимур ва ятIулмур. Миннушал гьартану кIул хьун бюхъантIиссар мува Минстройрал сайтрай.

ЗастройщикначIа цацIава кIул хьун бюхъантIиссар проектрал документациялуштал, къатри дувансса ва аьршарал участокрансса ихтиярдашал.

Зувагу аьркинссар лавгун бурган, къатри чув дуллай бури, тиччаллил чIалачIин цукунсса дурив.

### ЦУКУН ЧИЧИН АЬРКИНССАР КЪУТИ?

Градостроительствалул иширттал закондалийн бувну, долевои строительствалулу гьуртту шаврил хIакъиравусса договор (ДДУ) цIакъ дайссар чичрулул журалий, мугу аьркинссар Росреестрданий паччахIлугърал регистрациялийн ласун (мукун барчан, ца квартира кIилва бах-

хан къашайссар). Росреестрданийн лавсун махъ къутIи цIакъ дурссанун ккаллиссар. КъутIи бюхъайссар цIакъ дуван электрон журалул документрайнугу, мукунсса документ цIакъ буван аьркинссар электрон журалул къулбасрайну.

Квартира машин ласайни дольщиктал хъяврин баврия бурччайсса ца мухIлу-хIинну хьанхьиссар эскроу-счет. Къатта бувну, халкъ ганивун бизаннин строительствалулу гьуртту хьанхьисса инсантурал арцу дишайссар банкирдал эскроу-счетирдай.

### КЪУТИЛИЙ ЧАРА БАКЪА ККАККАН БУВНУ БИКИАН АЬРКИНССАР:

– къулагъас дуван аьркинссар къутIилул цIаних – ванил цIа дикIан аьркинссар долевои строительствалий гьуртту шаврил хIакъиравусса договор (договор участия в долевои строительстве), микку цайми цIарду дикIан къабучIиссар;

– къутIилул предмет – гьартану ккаккан бувну бикIан аьркинссар машин ласласисса объект (балжисса адрес, зиву, лагру, агана отделка дансса ният дукъурча, ккаккан дуван аьркинссар отделкарттайн даьгайсса давуртту, ишла дуллалисса материалла качество, ранг ва м.ц.);

– строительство къуртал шаврил ва объект булаврил чIун;

– договорданул багъа, му булаврил чIун ва низам;

– долевои строительствалул

### ЦУКУН КЪАМУЛ БУВАН АЬРКИНССАР ДОЛЕВОЙ СТРОИТЕЛЬСТВАЛУЛ ОБЪЕКТ?

Застройщикнал чIявуквартирартту бусса къатта ягу цамур объект бувну махъ, га зузи бан булунсса (ввод на эксплуатацию) ихтияр ларсувкун, застройщик буржлувссар долевои строительствалул объект булун договорданий ккаккан дурсса чIумуя чIал бакъа.

Объект къамул баврил актрай къулбас дан хьхьичI аьркинссар личIлулну ххал буван га объект, мукIру хьуншиврул ганий цукунчIавсса дефектру дакъашиврий, агана диялдакъашивуртту лякьирча, ми души-вурул хIакъираву чичру дуван аьркинссар актрай.

Строительствалул гьуртту-учинахъ ихтияр дуссар цала тIалавшиндарая бусан ягу масъала судрайн бутан. Агана застройщик инкар дуллай ухьурча диялдакъашивуртту духлаган даву, къутIи лиян дуван аьркинссар ва махъуннай тIалав дуван хьхьичIра дуллусса арцу ва процентру.

**ХIасан АЬДИЛОВ**

# ЦIанасса чIумалсса дукьялул баьгри

Оьбил дикI - 680-700 кь/кило  
Яттил дикI 600-800 кь/к.  
АьнакIи 250-300 кь/к.  
Къаркъ дикI 1300-1500 кь/к.  
Лагаву 650-1300 кь/к.  
Ххяххиялул наьг 170-180 кь/л.  
НакI 100-110 кь/л.

Барт 250 грамм 120-320 кь/к.  
Нис (оьлил) 380-550 кь/к.  
Нис (яттил) 1800-2000 кь/к.  
ХIуру нис 300-350 кь/к.  
Ккунук 30 шт 280-350 кь.  
Качар 80-100 кь/к.  
Чяй 100 г. 150-170 кь.

ЧчатI 50-60 кь.  
Ппиринж 100-120 кь/к.  
Гречка 80-100 кь/к.  
МакIарун 60-70 кь/к.  
Нувши 40-60 кь/к.  
Калан 40-50 кь/к.  
ЯтIул чимус 50-60 кь/к.  
ЧикIунтIа 40-50 кь/к.

Къур 45-55 кь/к.  
Помидор 250-350 кь/к.  
Нисварти 250-260 кь/к.  
Гьивч 100-120 кь/к.  
Хьюрт 270-300 кь/к.  
Банан 130-150 кь/к.

**Баьгри ххал бивгьуссар  
ХIасан АЬДИЛОВЛУЛ**

### Лакрал халкъуннал учаларттава

Угъаранай хъямахъра – инавагу хъунав хъунтиссарача.

Уттарашиврул щин ларцисса цуцлав акъассар.

Хъунмавху къргебулхди хъатлулума бух байссар.

Хъинсса инсаннал аьна махъун личайссар.

Хъинсса инсаннал оьрмугу, ххуйсса къункъа-цалсса тлутул оьрмугу кутлассар.

Хъунмав хъувкун, ххачла барцл хъуцурдихун багъайссар.

Хъунмавху оьрму – къюв-къу оьрму.

Хъунав хъувкун къякъа бакрай бацлайссар.

Хъунмав хъувкун ттукку аьшари шайссар.

Хъатлуи – балай, бивкулий – зума.

Ца ччан – шикку, ца ччан – тикку.

Щу ккуртту – мюрай.

Цила члумуйсса шану чурххан даруври.

Щун къаивкнан цуцлаву цирив къаклулссар.

Щуцлмур цурда на шикку дура тлун диклай.

Щуцли чувнал бакрацл – цулулу чув.

Чимус арулла азарун-нинсса даруври.

Ччарчан – ялавай, ччарчагу – лавай.

Ччарчан – ххуллул ут-тамур, ччарчангу – ххуллул утта-кюламур.



## «Илчи» – маслихатчи Интницунсса маслихатру

Кинтин мархъу, хъхуригу цила кунттища итадакьин цуксса къаччайнугу, дуркунни инт – аьрщарай захмат булла-лиминнал ка цларавусса члун. Хъуннасса баклахлахья дучлан давриву къачливисса клану бугълагьисса гъанна ххяххан буллалаври-яр хлакьинусса жулва ихтилатгу.

Рассадалунсса гъанна ххяххан буван ишла дуван аьркин-сар марцисса булугъсса аьрщи. Ванил дезинфекциягу дурну хъинссар: шивусса заралсса затиртгацла хъуншиврул 70-90 градус кИришиврул дусса духовкалуву 20-30 минутГрайсса дирхъуну ягу марганец ишла бувну (шинал 10 литралуву марганцовкалул 1 грамм дяххан дурну дутин рассадалунсса гъанна бугъан нанисса аьрщарайн).

Мукунна рассадалунсса гъанна бугъан нанисса тлхлунтулгу, ишла дувантисса цамунилгу дезинфекция дурну хъинссар.

Рассадалунсса гъаннагу, вай бугъансса аьрщигу хъирив лавну язи дугъан аьркинссар.

Ялув бацлан аьркинссар гъарца гъанна цила члумал бугъаврилгу.

Мукунна ялув бацлан аьркинссар рассада цила члумал ахъувун, дачалийн «дизан даврил». Члалну дурссакасса оьккину ххяххан диклайссар.

Гъанна, бугъланнин, хъартсса ащуву бивтун хъинссар, укун, клурхру дурккун, члалантиссар бачлвами ва къабачлвами.

Рассадалунсса гъанна аьбаян бичин ишла дурну хъинссар ссавун-дунугу ларсун нюжмарду, гъантри хъусса щин.

Бугъансса гъанна хладур

баврил къяйдарду чЯрур. Яла бигъамур ва машгъурмур – марганцовкалул щинавун бичаймур къяйда.

Бугъан нанисса гъанна хъхъувайния кЮрххилнин гъилисса щинаву бивтун, хъиривмур къини бугъланнин, хъавтсса ягу къавкъсса гъанна битияра 2-3 ссятрай дахърасса ранг дурсса марганцовкалул щинаву. Бивгъуну, марцисса щинаву шювшуну, къаркъсса ащуй битияра 10 минутГрайсса. Муния махъ бучИиссар бугъан.

Рассадалун къаххирассар чларацл (сквозняк). Мунияту рассада дургъусса тлхлн дирхъусса члавахултгий, балкон-далий ххярцурду диклан къа-аьркинссар.

Рассада ххяхлахисса аьрщи бюхъавай мудан хъартун диклан аьркинссар, амма къаатилну. Аьрщи дахърасса хъатан дувангу щин чан-чанну дутлан ччя-ччяни ишла дулуvara пульверизатор.

Хъуннасса агъамшиву дуссар рассада ххяххан дуллалий-ни бакрайра аьрщи хъинну хъатан къадавил, ххяххан диркун махърив хъатру чан хъун къадитаврил.

Дахъра ххяххан диркисса, кЮласса ва заэвсса рассадалун зарал къахъун, пипеткалух щин дутлаван бучИиссар.

Рассада ххяххан диркун махъ вай нюжмардий кИилла



щинал дуччин дуван аьркин-сар. Хъиннува хъинссар рассада ххяхлахисса стаканнал лув дирхъумунивун дуртуну щин, мархрал цанна аьркинсакасса хъатру цлупл даншиврул.

Рассадалийн дутлатисса щин диклан аьркинссар ххуйсса даражалул: нюжмардай, гъантрай дурцуну диркисса ва гъилисса (сайки 20 градусрал).

Рассада хъун дан гъанна бугълагьисса тлхлн диклан аьркин-сар чани къаитабакълакьисса ва ххишаласса хъатру дуккансса ккутру (дренаж) дусса.

Клурхру дирчуну махъ тлхлн, бюхъавай, гъарца къини 180 градусрай зана ритлан аьркинссар, чани цава-чану гъарца кланайн билланшиврул, бургъичлан клунку тгий, рассада даркку-шарккуну хъуну къадачиншиврул.

Рассада оьргъашиврул шамийлла дуччин дурну хъинссар: клурхру дурккун махъ, цамур тлхлнилува дургъуну 2 нюжмар хъуну махъ ва тлхлнлува аьрщараву (ахъуву, дачалийн) дугъан хъхъичл.

Бувсса захматран лархъусса баклахлахья хъуннав. Дургъумур ттихтинсса, ттирхлумур дукансса каша-къудрат дулуннав Хъуннасса Заннал.

Хладур бувссар Бадрижамал АБЛИЕВАЛ



Газета «Илчи» (Вестник)

Учредитель: Агентство информации и печати Республики Дагестан

Издатель: ГБУ РД «Этномедиахолдинг «Дагестан»

Хъунама: Махлammaев А.М. Тел.: 65-00-25

Хъунама редактор: Къардашов Р. А. Хъунама редакторнал хъиривма: Башаев Р.М. Жаваб дулайсса секретарь: Исмяилова С.Р.

Редколлегия: Адамов Абдурахман Махлammaдович Абдуллаев Сапарбаг Аьлиевич Аьлиев Хлажи Сулайманович Исрапилов Артур Анварович Маммаев Сулайман Нурагътинович Махлammaдов Юсуп Хламидович Оьмаров Супиян Расулович Илиясов Марат Сиражугътинович Хасаева Гульшан Рамазановна Хлажмирзаев Зиябуттин Абусулиянович Хлусайнаева Качар Абачараевна Шайхалиев Астемир Икрамович Шалласуев Шалласу Рамазанович Эльдарова Роза Хлажиевна

Отделлал редактортал:

Абдуллаева А. П. Аьдилов Х. А. Рамазанова П. Х. Тахакаева З. К.

Корреспондентгтал:

Абдурахманова З. Т. Аьлиева Б. Д. Саидова И. А.

Корректор:

Ахлammaдова А.И.

Кказитрал дизайнертгал:

Абакарова К. Н. Хлажиева З. У.

Кказитрай дурксса макъаларттаву кИцл лавгмур тлайлашиврул жаваб дулайссар чивчуманал.

Редакция макъалалул залуннал пикрилий рязину бакъахъурчагу, макъала рищайссар, жяматрал цаламур пикри бусанссар тисса ниятрай. Кказитрайн дуркисса макъаларттайн рецензия къачичайссар ва ми залуннахъхъун зана къадайссар.

Кказит буккайссар нюжмардий цал. Шинай итабакъайссар 48 номер.

Кказитрал индекс. П7046

Тираж – 1735 экз.

Адрес редакции и издателя:

367018, г. Махачкала, пр-т Насрутдинова, 1а e-mail: ilchi@etnomediadag.ru http://ilchi.info Тел./факс. 66-00-59

Газета «Илчи» зарегистрирована Управлением Федеральной службы по надзору в сфере связи, информационных технологий и массовых коммуникаций по РД. Рег. ПИ № ТУ 05-00424 от 30.04.2019

Газета «Илчи» отпечатана в типографии ООО «Феникс-пресс».

Адрес: РД, Шамилский район, с. Хебда, ул. Сураката Асиятилова.

Срок подписания в печать 19.00. Подписано 19.00.

Цена 10 руб.



4 651116 280051

### МАХАЧКЪАЛА



### Гъавалул тагъар



### ГЪУМУЧИ